

鄭徵君遺著

肆

巢經巢諱鑿

序

聖門以詩教而後儒者多不言遂起嚴羽別材別趣非  
關書理之論由之而弊競出於浮薄不根而流僻邪筴  
之音作而詩道荒矣夫儒者力有不暇性有不近則有  
矣而古今所稱聖於詩大宗於詩有不儒行絕特破萬  
卷理萬物而能者邪吾友鄭君子尹自弱冠後即一意  
文字聲詰守 本朝大師家法以治經於前輩述作變  
其補苴管人罅漏者多又病其或不免雜博橫決乃復  
徧綜洛閩遺言精研身攷以求此心之安靜涵以天地  
時物變化之妙切證諸世態古今升降之故久之渙然

於中乃有確乎不可拔者其於諸經疑義抉摘鬯通及  
小學家書經發劄者已成若干編而才力贍裕濫而爲  
詩對客揮毫雋偉宏肆見者詫爲講學家所未有而要  
其橫驅側出卒於大道無所抵牾則又非眞講學人不  
能爲彼持別材別趣取一字一句較工拙者安足以語  
此哉子尹長友芝五歲友芝兄事之自廿年前友芝侍  
先君遵義郡學子尹居東八十里樂安溪上每以秘冊  
互假寫勘時常往來丁酉以後春官奔走郡乘牽絆兩  
人共晨夕尤夥至辛丑先君見背即卜兆樂安溪上青  
田山復結廬其間以近吾子尹也計訂交到今且三十

年雖中間飢驅離索不常合并而靡不以學行文章相  
礪砥而子尹事事精銳對之使人氣餒即如爲詩若非  
所甚留意良辰朋酒常不自揣力操旗鼓而與之角往  
往脈張筋急不能自如而子尹率然應之其要害曲折  
轉益洞快人之學問才力真不可強乃如此友芝即戲  
謂曰論吾子平生著述經訓第一文筆第二歌詩第三  
而惟詩爲易見才將恐他日流傳轉壓兩端耳子尹固  
漫頷之而不肯以詩人自居當其興到頃刻千言無所  
感觸或經時不作一字又脫稿不自收拾子弟鈔存十  
之三四而已而其盤盤之氣熊熊之光瀏灑頓挫不主

故常以視近世日程月課檀釀篇牘自張風雅者其貴  
賤何如也今歲春初友芝過望山作上元乃把酒慨然  
曰吾輩俱老大所學既不見於用計無復長進而數十  
年心力所寄不忍弃置將次第厄梨棗取當世通人是  
非焉憶吾子昔者漫有右小詩語姑以先之唯吾子爲  
我序輒書其學術根柢所以能昌此詩者以諭觀者他  
不具論也咸豐二年夏五月獨山莫友芝

序

詩言其志而已矣志者不可僞爲志之所向情洩之辭  
宣之乃始有聲有貌數者不備不可爲詩然數者未也  
以志爲其本夫詩無僞詩之有僞則馳情溺辭繁聲飾  
貌者爲之也古之賢聖竒傑忠孝大節之人不皆爲詩  
及其爲詩亦無所假於數者而自足以格神元昭日月  
彼之志固宜有是若夫學士大夫之從事於詩則亦有  
道矣道安在在範其志志有廣狹高卑善範者植之以  
仁義秉之以禮度履之以忠信廉潔而又覃思專精必  
在經訓則志益廣且高然後發諸詩者達吾之胸臆悲

愉喜愠無所緣飾矯揉其閒包絡三才經緯萬端壯者  
鏘金石幽者窮要眇上儕之古人而無盪下質之千百  
世而悲愉喜愠若覲面敷衽披露肝肺無不盡者此惟  
善範其志乃能有是吾讀播州鄭君子尹詩而善之子  
尹居貧尙孤介仕卑官無怨尤躬行孝弟惻隱民物其  
學深博精核無所不綜尤好治經研究於康成叔重而  
折衷以閩洛之說至其爲詩則削凡鄙猥揆詣奧曠淪  
靈思於赤水之淵而拔雋骨於埃壒之表不規規肖仿  
古人自無不與之合余未識子尹讀子尹詩悲愉喜愠  
如見子尹焉進而求之則藹然者仁義也秩然者禮度



也較然者忠信廉潔也其宗主又不離六經甚矣子尹能範其志非若他人沾沾情辭聲貌可以僞爲者也唐子方方伯者子尹鄉人也道子尹意欲余序之余無當於知言然自謂能言子尹之詩之志遂書所見浼方伯貽諸子尹咸豐四年歲在甲寅新正人日監利王柏心

序

往時歛縣程侍郎以博聞強識受

成廟特達之知負海內重望天下能文章之士鱗萃其門侍郎嘗典試嶺南所得士如番禺儀克中陳豐長樂溫訓皆有時名先後與余定交京師儀君工詩精攷據愔早世不竟其所學陳君天才雄駿於書靡不窺近乃服膺許鄭溫君治古文辭力摹韓柳於近人不亞惲子居此三人者皆侍郎高第弟子然皆弗能爲侍郎之文其能爲侍郎之文者遵義鄭子尹一人而已子尹故侍郎視學黔中時所矜賞者也其爲人坦白簡易粹然儒

者生平研精三禮習聞古宮室冠服之制通聲均訓故之學爲文章古澀奧衍大率如先秦以上諸子汲冢墜簡兩漢碑版文字及馬第伯封禪記之屬腐儒小生讀之或至口鉗舌橋實則真氣流貫非類爲魁紀公家言者及讀其母教錄卽又悱惻沉摯似震川先妣事略項脊軒記諸篇羊質善變幾無以測吾子尹也古近體詩簡穆深凜時見才氣亦有風致其在詩派於蘇黃爲近要之才從學出情以性鎔蓋於侍郎之文爲具體矣黔中惟子尹與莫孝廉友芝張副貢瑯黎訓導兆勛傅孝廉景數人爲能肆力於古而子尹所造尤深足稱經師

祭酒詞壇老宿今年刻其詩九卷經說一卷求序於余  
余嘗親奉程侍郎之教數得追陪末坐上下其議論今  
觀子尹之詩文知淵源所自波瀾莫二故爲序其學之  
所自出以諭世之讀子尹文者咸豐二年八月望日常  
熟翁同書

巢經巢詩集目錄

卷第一

古今詩共四十二首

卷第二

古今詩共五十一首

卷第三

古今詩共七十首

卷第四

古今詩共五十七首

卷第五

古今詩共五十二首

卷第六

古今詩共六十七首

卷第七

古今詩共五十八首

卷第八

古今詩共五十二首

卷第九

古今詩共四十三首

巢經巢詩集卷第一

遵義 鄭珍 子尹

古今詩共四十二首

夜深誦了聖涼

巳下丙戌

天外一鉤月晚風吹到門  
開窗上鐙幌涼意幽無痕  
展誦四五卷爐火餘溫磨  
舉頭不見月知歸何處邨  
惟聞溪水西時時犬聲喧  
緩步肆閒斲披衣聖籬根  
不覺花上露盈盈浩已蘄  
此趣誰共領欲說都忘言

闌干曲

缸僻沉沉霜入影博山雲  
斲金虬冷嫦娥袖薄雙臂  
寒

身家身言身卷一  
夜長軟抱梅花頸玉臺紫霧荒荒閒翡翠珊瑚含木難  
茗華姊妹又千載當年暗記紅闌干擣齏破臼種荼子  
待看黃人貼天死月查高挂九枝鐙却教誰指秋河水  
蘭葉蕭蕭泣露涼芙蓉花覆黃鴛鴦檀槽不伴玉笛老  
手把靈犀到天曉

讀始皇本紀

嬴政信橫絕惡極福有餘蘭池盜空窘投筑身轉誅荆  
卿好匕首引堪偏絕裾惜哉博浪椎又誤傷副車匪獨  
人力窮神亦難剷除英娥鼓怒颺不能溺獨夫轉令湘  
山樹見赭千刑徒此中有天意掩卷徒長吁



芝女周歲

已下丁亥

憶我去年春二月初四吉將就禮部試束裝指京室酸  
懷汝祖母不忍見子別倚槽飼么豚淚俯彘盤抹此時  
汝小蠢尙是混沌物艱苦徒萬里無才分宜黜豈知出  
門後慈念益悲切前阡桂之樹朝暮指就齧子身向北  
行毋目望南咽旁人強歡慰止令增感怛所幸越七日  
先生爾如達半百甫爲祖忻怵那可說乃令念兒心漸  
爲抱孫奪吁嗟賴有此不爾得今日生女信爲好比鄰  
不遠出爲紀晬盤詩悲忻共填結

君山二妃寺

山竹斑斑淚已枯  
寺門猶自向蒼梧  
老僧話罷當年事  
龍鳥歸來風滿湖

東湖

東湖山皆似君山  
秀鬢鬪螺相抱環  
人住四圍淺竹裏  
鳥呼一碧低松閒  
晚鐘出谷何處寺  
落日耕雲誰氏田  
聽唱樵歌入林去  
思欲從之煙渺然

發武陵

目送南船去含悽  
內暗傷此歸仍甘  
日遠別更三湘浩  
蕩湖山濶漂零歲  
月怵主人能送別  
何事亦悲涼

柬別同年蕭芝水

品三

甘子園

叵奈苦風愁鄭判不能微雨過蘇端情懷祇覺向人盡  
離別須知對面難渺渺湘流仍獨去蕭蕭嶽麓悵回看  
來年待我春冰泮共爾浯溪買釣竿

同黃小谷

家達

登雙清亭

己下戊子

奔山東南來蜿蜒欲度水資邵不相讓并力遏之止怒  
石峭林立巉撐兀熊兕危礎出絕壁飛甍影潭底下眩  
溪渦回前俯古塔峙孤雲挂厓樹漁艇懸沙觜萬桺暗  
江天千帆隱城雉遐邇豁睇矚洵哉茲亭美同游癡翁  
後揮酒亦莫比請爲卧游計畫稿吾先擬

邵陵道中

雨過春山疊黛橫嫩林新綠夕陽明晚來風味濃於酒  
添起田蛙閣閣聲

永州廿三初度

零陵天下幽奇處中度生朝發興多表渴紛紅思柳子

淡山新綠憶涪幡似渠明歲求鴻博

子厚年二十四求試博學鴻詞正

我今時過蔣羅

山谷以崇寧甲申三月至永州過蔣彥回玉芝園又到愚溪過羅氏脩竹園皆

有暗數年華計才德一分不到欲如何

涪溪游

朝別柳司馬暮拜元道州漱齒寒泉水濯足清湘流春  
風繫船好晴日拊髀躍入涪溪游涪溪何在在湘澨勝

游未易更僕數初緣苔磴踏莎行碧塵裏煙濃楚楚戶  
以石門椽以橋隔闕其內渺無覩度橋而南忽異常千  
章嫩蓋蒙堂隍幽颺澹靄落香雨綠雲墮地山皆涼中  
有次山舊日樟枝所到處天無光扶夾小峰欲上翔若  
翼伏卵若佩囊唐亭紫桷出峰頂下視乃在枝閒藏由  
樟西行百餘尺摩厓陰風動心魄三百六十生鐵虬影  
寫江天光照壁墨精闕久走殊怪至今柳印壓手擘前  
剛亦有中興頌在顏書右三丈許水中一厓上姓字誰某漫莫識瞿家  
玉筋臨厓東鮫胎老皮嵌紫茸載毛蝮繭四衛護不許  
摩塌傷其鋒皤書顛筆接不暇足直目眩成老翁一羣

乳虎阻去路

謂小  
晤臺

手擘寸線回盤中繡沓羅蒙罩雲麓

驚入洞房睡初足春流溪水花溶溶滿耳丁當漱寒玉

峭石疊起珊瑚枝鐵網槎枒瘦無肉紅亭鼎峙上下石

萬顆斜陽點丹綠出最上亭鈔厥旁乃登晤臺顛中央

天置橙榻不襲琢廣脩可聖百人強臺脣窠尊古薜鑲

尊底萬丈淨清湘尊中凝脂白如霜疑是元子殘酒漿

此時傲氣橫八極又腹大卧望昊蒼不覺今古入竒懷

風雷擺宕蟣蝨腸笑向雲中數招手拍拍窠尊叫聲叟

何必相逢孟武昌始汎杯湖一樽酒當日能醜死阿廢

醜卽昏次山創  
此字蓋隋楊帝

乃見天王下殿走感時憂國頌嗣皇事

有至難寓忠厚文章經濟付一漫山水傷心旌吾有黃  
雲動地悲風來同游者子皆歸哉右堂書鬼轉清嘯舊  
居空見高墳堆小子不知獨何事幽蘭暗結紅玫瑰

柳之蟲次程春海

恩澤

先生韻

郴州校士地乃爲蟲沙國子孫結千億與人爭頽宅形  
比肌蛛小足亞馬蚊百繚礎據地屬蜿垣出戶闕竟日  
俯仰閒跂跂而脈脈塋立左右顧審器後飲食時或墜  
科頭蠕動忽呀赫夜來最恐懼屢魘入牀簣可憐倮蟲  
長生受蠢動厄聖王除狸物赤戈有專職則此蠖行者  
戮盡理亦得孔子作春秋斧鉞甚嚴覈螽蜚不爲災且

不書於策此非能毒螫異虺與杜白罪但形可畏咄咄  
逼人側其徵誰使然大蠹實膺責之蟲又何知而代伏  
誅殛驅之使遠去物我庶兩適薰以硫雄煙助以木艾  
力更以蜃灰水洒彼屋與隙水乾煙亦消依舊綠四壁  
百蟲羸將軍無乃故使迫莫侮周郎少請從赤壁役

五蓋山硯石歌贈曾石友

銜刺史并序

郴州東五蓋山顛大漢下石乃硯材人不識屈爲  
磨石友見而異之身鑿山取琢硯謂勝端溪下巖  
余過郴持示一片果堅潤發墨因歌以贈之

斧柯腹爛老龍死碧瞳破地走龍子神淵自槌北壁鑰



埜石踴騰壓珠市暗潮濱濱踰嶺南畢弗凸透五蓋山  
雷礪電礮蓄蟾鶴白虎固抱黃睛耽鳴劓咽勸墮臧穀  
夜半無人玉靈哭冤耿耿射城譙摘巖冠拜郴州牧  
老夔晝斲不及聞尅遣持節卽墨軍溫肌膩乳暈光澤  
狡獬骨軟攙香雲黯澹灘頭鳳皇齧是君席閒同鄉友  
忍使怨缺作附庸石卽能言杜其口綠珠端捧當簾鉤  
紅蕉氣韻纖筍修小湘山鬼碎黃褐偷覷欲攫投大幽  
琦瓌乃挺荒遐地壯夫空識數丁字斬髡剝絡始見材  
漢底深囚豈天意異時請看巖戶集郴人笑歌端人泣  
不見宏農陶家兒至今配食陳公密

游北湖懷昌黎公湖在郴州北郭外周廣可四  
十里今皆爲稻田矣去年程春海先生屬刺史  
惠安曾鉅於道側蓄一池祠昌黎於其上

秧鉞麥浪水縈渠山斗蒼茫落照餘湖地四邊今叱犢  
昔年中夜此又魚長船大炬無畱影斗碩波瀾有別瀦  
悵對滄桑憶三穀暮煙冪冪久踟躕

經耒陽

青蓮葬屍魚腹裏少陵復作飢死鬼可笑亘古兩詩人  
死亦古今絕無比劉昫小儒不足責余意端嗤宋公子  
阻水一篇豈未見荒唐亦復沿舊史悲哉此老入暮年

君民淚盡江湘泚稷契功名付浩歎老醜向人嗟可耻  
新知濟濟徧海內寒暄不救溝壑死牛肉白酒致荒江  
快噉苦覺人情美豈知賢令好禮數後人顧將鳩毒視  
嗟嗟忌刻實天意巨妄誣賢小者耳君不見東山太白  
女無歸宗武湖湘爲乞兒

游石鼓書院次昌黎合江亭元韻

輕舟發衡邑風日不相左石鼓郭北外卽之在一唾白  
鹿四講院此足作輔佐更值江山勝萬金豈能貨右俯  
湘波清左看蒸流過破地挿水會齒翠氣不捶幽亭恣  
游目欲倡寡余和闌砌忽西日竹影來箇箇我生骨少

媚所如輒坎珂小住苟爲佳便懷卜終卧此地經唐賢

誅茆展嚴課朱張繼文會瞻望跂無奈

地爲唐李寬讀書故址宋朱子

與南軒講學處

草木猶餘馨而何靳頑懦恭讀晦翁書語若親

告播

朱子書脫去凡近以游高剛勿爲嬰兒之狀而有大人之志勿爲終身之謀而有天下之慮勿求人

知而求天知勿求同俗而求同理四十八字石刻尙存

丈夫甯不然誰能拔寒餓

自撫事畜身長愁貧鬼賀安卽脫嬰狀巖栖振窳惰藉

騁半日樂思復一餉聖山靈逼客行岸陰結難破下舟

獨回望已覺斗塵浣

醴陵坡謁蔡忠烈公

道憲墓

誰似先生少成仁鼎沸時

公死時年二十九

磔身無李芾裏葬

有句卑

賊寸殊公幕卒凌國  
俊藁葬之亦自繼

穹昊心難轉英雄淚暗垂

卽今瞻墓道松柏尙含悲

畱別程春海先生

我讀先生古體詩蟠虬咆熊生蛟螭我讀先生古文詞  
商敦夏卣周尊彝其中涵納非涔蹄若涉大水無津涯  
搗爛經子作醢鸞一串貫自軒與羲下訖宋元靡參差  
當厥興酣落筆時峭者拗者曠者馳宏肆而奧者相隨  
警鐵勃盧鐵蒺藜戛摩搗擦爭撐持不襲舊壘殘旄麾  
中軍特創爲魚麗此道不振知何時遂爾疲茶及今茲  
學語小兒強喔伊雕章繪句何卑卑雞林旨賈爲所欺

傳觀過市羣夥頤厚顏亦自居不疑間有大黠奮厥衰  
鼎未及扛臄已危其腹不果則力贏其氣不盛則聲雌  
固宜宛轉呻念尸非病夸毗卽戚施黃鍾一振立起痿  
偉哉夫子文章醫當今山斗非公誰種我門牆籓以籬  
擁腫卷曲難爲枝絡之荆南驅使駢野馬復不受羶羈  
錫我美字令我睇以鄉先哲尹公期無雙叔重公是推  
道真北學南變夸此豈脆質能攀追敬再拜受請力之  
頭童牙豁或庶幾槐黃催人作叢羆定王城下離舟維  
春風冬雪慣因依出送撫背莫涕揮東流淙淙識所歸  
有質賣田趨洛師

送王香杜

金策

歸諸城

仕路嶮巖莫復陳東齊歸客舊詞臣  
達官大要非奇士南國從來泣美人  
誓墓文章終憤俗藏鐙性癖頗愁親

香杜讀書  
達旦爲常

白魚青筍平安到書疏無忘寄子眞

宿喬口柬同幕諸君

悵然釋帆去望望長沙遠湘水更深綠  
日没汀洲晚昨夕桐華陰今宵未應損  
離羣忽百里因風寄縑綬

酷熱吟

爪上流汗珠髮梢生炎風歎氣攝人髓  
有聲來烘烘瘦蛟叫沉潭波心吟老龍  
江鬼走陰霹哭死西日紅龍女

四五人偏肩采芙蓉眷言攜我手攀浪還珠宮聖之水  
晶牀映以珊瑚櫂回憶人間世清涼迥不同

清浪灘

清浪四十里獨以惡石勝上如刀山立怒挺索人命下  
藏萬千劍欲刺暗中刃一刻失要害立見頭腹迸舟子  
八牛力經過最勇慎使篙無空著目到手卽應奪人出  
龍腸拚身陷堅陣神使啞啞叫乃賀脫窞阱旁岸數十  
家橫舟日伺偵但祝估船沉攘貨一呼進恃此聞有年  
頽菲尙懸磬

夜江濯足



涼颺動煙渚淨魄生夕林浣衣人獨歸餘情含空砧聖  
濯雙白趺眞懷仍在襟微浪蹙細沙沙乾浪旋侵不見  
白石郎誰見沙浪心何意孺子歌但爲濁水吟

步出東林

撼撼樹聲響滿山黃葉飛一雙白蝴蝶隨我下翠微獨  
往竹西路聖觀忘是非

正月陪黎雪樓

恂

舅游碧霄洞

巳下巳丑

黃蠓翻劫波誤落荒服外睚眦恚五嶽中原各尊大胸  
蓄不分涎要唾盡始快日月不照灼深閩神鬼怪吐洩  
奪造化抗鍊鼓橐鞬天動九地裂頓闢一世界雷電下

搥撼投楔卻奔潰面帝彈不法情天轉嫪變顧畱與遐  
土廣彼耳目隘不計數萬載莫能啟鑄秘始見此誰子  
魘死者應再十年詫靈境寤寐騁神軼宿糧得阿舅攜  
小妹共載裕訝見巨口俯瞋嚇焉退定魂下窻窺窳窳  
半明晦一聲欬嘯呼響砰磅礚礚非雷而非霆隱隱猗  
猗會舉蘊照噴响廣容數萬輩耿耿溪厦中具千百狀  
態大孔雀迦陵寶瓔珞幢蓋鐘鼓千羽帔又杵臼磨磑  
虎獅並犀象舞盾劍旌旆礎楹芴藻井釜登豆鬲醴更  
龜鼈蠃蟾及插礮釜鎧厥仙佛菩薩拱立聖跪拜擣籛  
條戚施與佻瞽兀癩倒茄垂瓜盧懸人頭肝肺盤杆閒

橙榻可以卧與齷人世盡織末悉備徑壑內黠哉山之  
靈乃逞茲狡獪殘寶與剩穴得一卽勝槩視區區諸洞  
實不直蒂芥如何老窮僻似爲地所畫元柳目未經陶  
謝屐不逮焉能驅夸娥徙安行窩背持壺走大暑壑谷  
指公在移山空浩然發我惜竒慨試假生鐵筆爲爾破  
荒昧後來應有人咄喑同感喟

閒庭

閒庭貪久堊風色靜沉沉明月來深夜低星閣遠林魚  
龍吹霧影貓犬共花陰興慙塵囂外憑柯起浩吟

安步

安步踏暄陽松岡更柳塘溪山爲我好花鳥使春忙欲  
就觀垂釣因行過石梁問魚渾不應心跡兩茫茫

曉行溪上喜而吟

昨午點滴不成霽入夜風雨擡山來朝看遠水白於鶴  
天垂野淨無塵埃槲葉緣邨膩沒縫麥穗壓壠青成堆  
誰潑遙林十斛黛樹肥綠重山欲頽未聞雄鳩喚逐婦  
尙見嶺雲黏不開雨脚肯愁未斲絕土膏正賴勤滋培  
去年眼不識冰雪沃畝圻兆生草萊開歲屢得三日雨  
天公亦閔黎農灾破田歷適不保澤水至立涸真可哀  
卽今春序就垂盡布種無地甯論栽田家望望急如火

一雨喜徧叟及孩短後晨披不待沐攜犁荷杷衣蓑臺  
上田翻車響犂角低隴叱犢聲喧厯山人亦出行盤徊  
沾衣濕屨踏岸苔天氣陰陰雜花遠曉寒嫩嫩溪風回  
人煙稍出苦竹外漁艇暗度青崖隈顧怪水輪昨何澁  
此日速似千手推皇天助人在俄頃欲任智力嗟難哉  
不知百鳥作何語似訴中夜厄雨雷吾得豐年爾亦飽  
爾曹莫怨翎翮摧

閒眺

雨過桑麻長晴光滿綠田人行蠶豆外蝶度菜花前臺  
笠家家餉比鄰處處煙歡聲同好語鍼水曬秧天

播州秧馬歌 并序

吾鄉治秧田刈戎菽等密布田內用秧馬踐入泥  
俟爛則播種其力倍於糞且不蠹秧馬制以縱木  
二爲端蓄四橫長倍廣下斲殺令上面平如足榻  
狀底如四履齒用柔條一或繩貫兩端爲系高接  
手踏時足各履一馬手提系摘行莖葉上深陷之  
甚便且速爲歌一篇俟後譜農器者採焉

穀雨方來雨如絲春聲布穀還駕犁斬青殺綠糞秧畦  
蕪菁荏菽鋪高低層層密密若卧梯外人顧此頗見疑  
足春手築無乃疲我有二馬君未知無腹無尾無扼題

廣背方坦健骨支四蹄銳削牡齒齊踏背立乘穩不危  
雙韁在手左右持馬首北向人首西橫行有如鱗爬泥  
前馬住足後馬提後馬方到前又移前不舉後後不蹄  
轉頭前者復後馳人在馬上搖搖而蹊田遠過牽牛蹊  
絕似軟屐行蒺藜柳陰饋饑媚且依木驄對卧不解飢  
晚風搖波蹙水臍居然刷洗臨清溪他日更借人乘之  
踏花小郎黃驄嘶下鞍兩髀紅胭脂豈知老子糞種時  
一足各有一馬騎終身脚板無癢胝

釣

避暑巧成釣脫喧翻怪幽水風長在竹鳥影不驚鉤欲

身爲身言集卷一  
三  
舉却仍住將移還更投此心隨物付得失盡悠悠

驟雨

雲氣速於猱奔空陣馬逃樹隨山影失雨覆夕陽高萬  
手投籌箸千夫振棘叢已看天宇碧餘點尙飄騷

夜歸

檢閱不知晚歸襟赴夕涼流螢低共路漁火遠分光斲  
續林風細微苾草露香近籬無犬吠鐙月護山房

高齋

高齋開戶牖佳日得晴暄風定瓶花落雲來硯氣昏牧  
牛溪上路迎虎社邊邨聖領山林趣潛夫欲著論



山居夏日

竹樹交陰草暗畦  
晝長人靜小簾低  
空堂斐几雙賓雀  
落日瓜棚五母雞  
好鳥不離花左右  
閒山分占水東西  
年來頗忘將軍宅  
久認吾廬未是迷

月下醉歌

明月本在東林閒  
不知何時走上天  
爲貪盃酒未及顧  
失爾去路無由攀  
惟見青空似碧海  
琉璃萬頃嵌銀盤  
咫尺人天不相管  
何況世外求神仙  
蓬萊瀛洲果何處  
秦皇乃葬驪山邊  
固知仙骨有時朽  
惟爾飛光最長久  
西升東沒無窮期  
白兔擣藥延爾壽  
如何醒眼看世人

身流身言身卷一  
不伴玉皇飲天酒宋無忌娥影珠一日奔馳四萬里何  
如花閒傾玉壺壺空醉矣還歌呼

乘涼

草樹入岑寂月遲還未來竹風泛螢至清夜方悠哉已  
非暑中劇乃復適所懷誦聲何琅琅鐙紅滿高齋未覺  
太古遠蕭蕭眠綠苔審體已便足煩營空爾佳

夜起

籬頭老菱中夜鳴淅淅颯颯如人行開門風過月照地  
竹根草脚皆蟲聲菊花未睡解畱客白衣黃帽相逢迎  
人生千歲要有死百年況是風中鐙須與清境偶然得

眾人入夢誰當爭  
蘇張恍惚在人世  
但看藻荇仍縱橫  
明宵風景縱有此  
知否山人呼得醒

刷池

池割屋下田水從檐上來  
中有白蓮花憑空起  
瑤臺相看過一夏秋來更爭開  
未便就衰歇此花真吾儕  
池畔列稚柳冗密蛛絲排  
瓜藤雜蒿蔚亦復藏蛇蠅  
蓮心雖不言未免嫌汗菜  
爲費半日力細與親刊裁  
忽然滿眼光鮮淨不可揩  
乃知清貴品故以剛刷佳  
上有兩弓地年年種蔬鮭  
欲著小茆亭於此懸詩牌  
襯點好意境得閒卽構哉  
天意似憇愚宅西出古梅  
久歲沒荆棘牧童

告我纔擬俟放花時移向池邊栽又蓄數盆蘭安置頗  
未諧待我亭成時同來伴樽罍山人素了了此意豈復  
駭小住便佳耳百年非我懷

溪上水碓成

貧家一舉動終始靡不難區區水碓耳匝月功始完余  
豈好多事在昔多所艱赤脚老醜婢嬾姍且頑遣之  
事春簸炊或不給焉有時得毋助乃始足一餐無已作  
此舉令水爲春人內顧無竹木未免乞比鄰稽遲到茲  
日始已事而竣狹巷清且駛白石周四垣回回外板幹  
蘇蘇雲子翻傭者相顧喜賀我春百年嗟我佃耕此瘠

確緣溪十年豐不償苦足得十大盆安能盡確力確成  
殊養閒苦心願爲此亦覺笑旁觀世事那計盡感慨繫  
斯篇

早起

昧明更底逼安卧良獨難怕待來年想仍將去日看孤  
心時入靜瘦骨早驚寒有福慙諸弟紅窗自睡鼾

巢經巢詩集卷第一



巢經巢詩集卷第二

遵義 鄭 珍 子尹

古今詩共五十一首

才兒生去年四月十六少四十日一歲而殤埋  
之梔岡麓

巳下庚寅

木皮五片付山根左袒三號愴暮雲昨朝此刻懷中物  
回首黃泥斗大墳

晚興

寫畢黃庭冊歸從道士家晚風亭子上閒看白蓮花

堔灣夏暝

身集詩言卷之二  
一  
窗光落晚翠庭氣靄涼陰靜數門前樹歸來沙際禽世  
塗殊冷暖人事信升沉清淨西林月明明照此心

酷暑黎柏容

兆勛

丙兄齋中

赤丸黏天不可落發興欲墜扶桑閒平頭奴子扇大扇  
下視海水波如山自曉至暮去不得垂頤喘氣筋骨孱  
聖卧不成漸作病心之煩亂何由剛柏容健者能說鬼  
落筆嬉笑含譏訕伏枕張目嬾動起細聽吟美追癡頑  
轉恨人生讓若輩帶蘿被荔從狸斑委去拘拘此形蛻  
雖有寒暑誰能患蟬聲停樹蠅在壁仰瞻雨意愁天慳  
喝死書生一芥耳嗟哉禾黍關痾瘵



醉歸

酒壯夜行膽長歌聲繞林入竹聞犬吠遙看燈影深虛  
堂聚學子爲說梁父吟古人不可見弃置徒勞心

雨

六月晦前雨瀟瀟鳴稻林能蘇貧者命不是富兒心米  
價來朝減天恩此日深莫言歌舞滯點滴勝黃金

晦雨

度牆仍細細津葉暫疎疎昨所潤不到雨餘枯自如涼  
聲歡鳥雀落照晚邨墟肯怨行多露度阡還破廬

恨詞二首

屏山橫抱石闌斜，月夜經過阿子家。  
小院苔圈鏡影綠，玉人何處倚梅花。

歲暮天寒獨倚樓，千秋亭畔古今愁。  
何人欲補情天破，我願從君助石頭。

寒宵

何補飢寒計，慙鉛宵更忙。  
窮來通世味，長去戀時光。  
霜重夜深白，月斜林際黃。  
待明堪一卷，清漏未渠央。

雪風

雪風刁調吹破籬，吾獨窮困於此時。  
天寒擁卷作跏趺，日暮向人除夕炊。  
菜摘蠶豆上中葉，樵分鵲巢高下枝。

窮生百巧卻自笑看爾更計明朝為

與柏容論畫

癡翁造化才天馬不受絡手補乾坤缺山水有全著拙  
我何敢望興至時閒作常思有事業而暇謀此樂哲兄  
亦多好見彈求鷓鴣雀生平儻得閒消遣殊不惡但聞識  
者說此事無死縛須得心目間蒼莽露厓嶠下筆逐所  
見兔走兼鶻落意境會其全形似在所略必執譜論求  
一錮反難藥君家列高架古墨未蕭索苟能得殘贖已  
足自揮霍嗟嗟語徒然吾意殊菲薄勸君寫無逸他時  
獻蹇諤會有曹將軍貌君凌煙閣不然謝幼輿亦當置

邛壑

五日雨中與同人釣溪上

已下辛卯

心想就澄澹老去方自茲爲樂愛佳節歡塗多所懷來  
日豈不給過此情已違亦復惜無因廢時又可哀天與  
一日閒重以數子諧霏微息還作榴花紅綴枝入林苔  
黏屨縱飲徒沉迷門前即溪上笠釣意亦宜得魚非我  
必藉攄山水期雨細容小住甚便收筒回

睡起

一覺依然眠後我百年休憶錯來棋可憐半日糝糊過  
更補斜陽悔片時

屋漏詩

溪上老屋溪樹尖我來經今十年淹上瓦或破或脫落  
大縫小隙天可瞻朝光簸榻金瑣碎月色點竈珠圓纖  
春雨如麻不斷絕爾來正應花泡占始知瓦舍但名耳  
轉讓鄰茆堅覆苦漚如海眼瀉通竇滴似銅壺催曉籤  
入室入室踏灰路戴笠戴盆穿水簾伊威登礎避昏墊  
濕鼠出窟摩鬚髯塵埃垢濁謝人洗米釜羹湯行自添  
西開書室素完好陳籍屨几供便拈不虞一夕出意外  
白蟬溺死埋縹緜咸陽一炬怨秦火似此甯更將人嫌  
桑土綢繆悔不早無術得將諸竅闔承以瓶盤桶鬻缶

身兼身言身卷二  
一器巧使二孔兼木皮竹蔞亦有用彌縫其闕通之權  
補苴罅漏固窮計塞流挽倒吾何謙妻孥對莫頻願  
不荷天慈心更恬齟齬任相責高叟鬼瞰真吾矻

游黔靈山憩雲栢亭

去郭亦不遠及麓方見之每上覺徑窮去塗生轉時偶  
然入深處卻顧忘前巖幾年闕初地亭小幽可憩久至  
絕聲響林影澹無際松風迴夕陽蒼然兩峰翠

飲聖泉上

歷筭有時差洞淵窮九容天與設懸壺一勺肇鴻濛盈  
虛應晷刻渾蓋相參通大哉造化機奇出無終窮我從

萬山來襟帶含松風獨酌此泉上興酣呼白龍往來五色鯁蕩漾青黛中神魚掉尾出閃映斜陽紅欲濯雙玉跌乃恐搖鮫宮許贛不許究邈然天地空

貴陽秋感二首

回首天南萬箐開童山曠壤有遺材橡蠶不自烏江渡  
菑醬仍從益部來在遠游民便聚嘯安邊長策重耕栽  
時平不假書生計喟古憑今足費才

無多形勝感興亾萬里秋陰接點蒼石火年華催老大  
海天愁思易悲涼談經舊掃陽明席問字誰登叔重堂  
野色江光連鬢影武鄉祠外倚斜陽

春山夜誦

已下王辰

漱齒華池萬慮空  
賞心遙夜七寮同  
山香如海花齊發  
天淨無塵月正中  
虛巒亭亭深入露  
涼鐙燄燄不生風  
年來漸省簞瓢事  
絳帳笙歌笑馬融

甕盡

日出起披衣  
山妻前致辭  
甕餘二升米  
不足供晨炊  
仰天一大笑  
能盜今亦遲  
儘以餘者爨  
用塞八口飢  
吾爾可不食  
徐徐再商之  
或有大螺降  
虛甕時時窺

阿耶晬日作

貧人養兒女  
其苦安可言  
計日喜存活  
及歲能無歡  
我



非無大男天不與我乎踰年幸舉汝吾道方艱難萬卷  
不能炊一錢丐人艱汝願生健食飢啼可勝憐論升買  
市米歸已亭午閒待飽化爲乳乃及供汝餐常恐力難  
活嗚喚行周年身中百衲衣五色花斑斑頭上紅錦帽  
金錢龍鳳盤涎衣被頸下文抱當胸前吾貧那辦此見  
汝從母賢俗情重睂日烹羊宰肥豚招要聚三族喜氣  
令冬溫吾此爲單家力又難羶葷亦復潔疏食爲兒薦  
蘋蘩祝畢抱汝拜忍涕爲笑顏我族食遵義八葉當吾  
身維昔別子公鋒冠劉縉軍播平不與賞屯耕水煙田  
謀力著新站氣欲無奢安鷹鳩起旁掣郡卒賴以全定

國與捍患飲井俱忘源

珍七世祖益顯公吉水人明萬歷庚子以劉挺部將從平播

班師被論回衛留部曲領舊帶兵萬餘於遵義仁懷敘

南馬湖等處耕種防守公因駐屯水煙在郡西六十里

見墓記及挺上兵部搢子迨崇禎辛巳王忠烈公佐聖

來宰遵以公宿將問扼水閘吭者公爲畫築新站城與

王公往來巡視邊備悉舉明年府道緩郭吳之獄致逆

酋入寇城被王公死之公率十里土司搗賊營分兵斷

站絕賊歸路盡殲之郡

以安全見王公殉難錄

一卷書今惟吾家存將復高祖德未必非蕩遷想見靈

之來喜添一代孫子孫不易為撫首增浩歎汝毋羅百

具試兒心向先鱗列圖與書錯以聿與研古印大如斗

中央獅伏跽寸幅我新畫上有米家山抱持不可律爬

按隨掀翻乃左持古籀右手持天元大笑真吾子此意

甯非天我年七八逸氣摩空蟠讀書掃俗說下筆如  
奔川謂當立通籍一快所欲宜狂謀百不遂親老家益  
貧頭顱近三十心平無波瀾窮達知有命浪走無乃顛  
觀海難爲水一藝思專門幾年費心血略識書數原父  
菑子肯穫夫豈不願然卽今盛平世經術招儒冠立成  
具推步不用暉與蕃兩闈禁篆體隸楷須同文兒亦焉  
用此來踵阿爺跟六經麗日月義若東溟寬取汲任其  
才收效無鈍頑小用為帖括命來卽稱官騰身九霄上  
袍笏光且鮮一生免長餓親戚分唾殘世間富貴人得  
力文幾篇兒其速長大破樓思著鞭與作鼠銜薑甯爲

麥爭秬

秬有麥爭場最早熟而利倍見羣芳譜

飯麥

北人食主麥南人食主稻平時作餅餌快啖爭且譟飯之乃愧貧好惡殊顛倒入夏米難乞市糶踊復暴焦麥餘兩甕八口朝夕靠初嘗賴羹澆再進乃深好法須甬皮精味勝粗米糲齧若蚤蝨碎咽順藜莧導撐腸不易飢朝食晚可到固知吾輩腹何物不堪槁女子乃驚詫逢人卽相告

夜歸

晚涼動歸興溪路無塵氛倚杖見明月回頭看白雲不

蓬魯中叟山水徒清芬  
迢遞竹西去閉門何所聞

涼夜

冉冉香傳小樹花  
閒庭風露浩無涯  
斲鐙兒誤求爺乳  
歎食妻疏到母家  
深夜能陪敕賜醜  
荒山暗老石經父  
松頭月上難禁渴  
汲水親烹沒葉茶

晚望

向晚古原上悠然太古春  
碧雲收去鳥翠稻出行人  
水色秋前靜山容雨後新  
獨憐溪左右十室九家貧

玉蜀黍歌

瀕湖能知蜀黍卽木稷  
不識玉黍乃是古來之木禾  
我

生南方世農圃能究原委如星羅此穀從何來遠在稷  
播以前茲岷嶓昆侖山高一萬一千里五尋之穀脩峩  
峩靈井灌根地力厚自然能沒九橐駝鸞鳳戴盾日植  
啄文樹聖木連枝柯開明獸北接大詔北穀遠映西洱  
波神禹所見蓋所記西經具在言豈訛滇黔舊是海內  
西南陬土宜千古無殊科秬今彌望滿山谷長稍巨幹  
平坡陀猴猿夜盜嘯儔侶烏鵲晝銜防網罔一莖數苞  
略同蘖粟亦無皮差類稞稊筍脫縲魚弩目鮫胎出骨  
蜂露窠落釜登盤即充腹不煩碓磨箕筴籬有時兒女  
據觚叫雪花如指旋沙靨憶昔周穆賓王母八駿遠從

西極過爾時此穀定入尙方餽不然亦拂芝蓋摩鸞和我讀竹書又知更名爲苔藁其時見之黑水阿黑水今在雲南中益見我言非炙輶上古地廣穀類亦多種天降地出知幾何職方五種載周官較之堯稱百穀已無多木禾自是梁益產遠與茹醬驚黃幡周公歌豳道方物體從刊落非刻苛爾雅牛成秦漢人道里隔絕安知他自通夜郎略邛僰伏豬名乃傳清河景純博物昧形狀目所未見難盡訶亦如九穀中有梁與苾南人未聞名者徒摩挲滇黔山多不徧稻此豐民樂否卽嗟爾來樗繭盛漆播程鄉帛製傳牂牁織人夜食就省便買此

貴於秔米嗟民天國利俱在此無人攷論理則那他年  
南方誰作木禾譜請補稻含舊狀歌此歌

柏容種菊盛開招賞

君之種菊用何法幾日化爲瓔珞雲能令我來墜花下  
意靜不起一點塵當窗幾枝更佳絕布置妙與矚意親  
天寒薄袖不煩出隱几自足娛宵晨昌黎歎晚何用好  
此老屈強老不馴君看神氣淡如此不知有秋何論春  
卻恨與梅不相見異時獨立長悲辛回頭一笑百感失  
梅花突出蒼江濱金支鐵幹各心照其識百鍊冰霜身  
又怪梅花底入室乃是坡老筆奪真坡老畫梅寄真氣



菊中豈無淵明魂花香墨影混濛際想見二老同清尊  
評詩要到清淨境綺語不許汗秋痕卷舌甯令被花惱  
無使兩公生笑瞋

捕豺行

君不見三四年間豺勢橫厭食豚犬遂食人東邨埋兒  
聚肩髀西求唐子還葬魂綠箐黃茅去人遠過者十百  
須及羣遠道之人不問俗往往力盡爲所吞烏江東更  
駭聽聞爭子母手食且奔兒啼直與骨肉盡草剩一條  
生血痕時或置幼舉室逐歸來幼子仍無身言之酸鼻  
不忍說使我鬚奮胸輪囷以人殺人罪且死卽盡族此

償甯均上世冥翬十二氏掌除民害搜狃榛靈鼓炮石  
喪猛怪日弓月矢殲妖昏凡害於民物無細戮及蠹  
非傷恩聖人吉凶與同患蹄跡肯容中國存捕蝗殺虎  
載金布此害况酷蝗虎倫去灾捍患竟誰事責固在官  
不在民令眾若從追胥法一邨人足攻一邨大索三日  
定誅盡雖有十翼無逃門百蟲將軍縱靈武人力不助  
那由神傷心邨農日賽禱兒女不足增雞豕去年賂請  
獵南里歸兵獻獲皆米銀人豺夜行如植麟盜被豺植  
行雖見不  
敢出官豺晝聚稱上賓邑兵以次邑中豺伯縱豺食羣  
戶亦多豺民命若彼官若此豺爾何幸

豺飽卧東城闔

縣城內近

民命若彼官若此豺爾何幸

遭此君方今獷獸頗亂狺斬絕種類須良臣江華新收  
西原賊南越未返樓船軍書生手無斬馬劍高冠櫛具  
徒吟呻三尺枯柴堊無術夜指天狼心若焚安得爾輩  
野性馴一化麟鳳之至仁

題莫邵亭

友芝

藏文衡山西湖圖

已下癸巳

山如佛頭青水如僧眼明軟槳畫船爭弄晴三竺樓臺  
影東海六橋花柳通南屏昌丰士女隄上行太平莊構  
百態精西湖正恐不到此圖就可勝槃嬴情待詔作此  
時八十又過二圖嘉靖辛亥所作老眼雙瑩與人異樹頭尙著  
鼠尾皴緩范迂倪遜工緻卷尾新詩復親蹟展向窗晴

三絕備三百年來人代殊蠶絲煙篆墨未枯當時畫裏  
寄書舫供養難忘西子姝袖歸直作按閒物公眞力大  
同歐蘇豈知玻瓈三十里異時流入天南隅錦暉繡楫  
出前守

圖出自前遵義  
守蘇雨蒼家

整潔未經寒具汗我聞世閒所

藏明聖湖欽山十冊千載無暗門古墨久蕭瑟何人更  
睹爭標圖石翁寫盡湖上山至今散在東西都孤山卷

子好雄逸舊觀記與江門俱

曾在蔡江門墓下  
觀石翁孤山橫卷

停雲館

主又入石翁室北董南邢俱不如二丈之軸落吾眼寶  
貴那數千船珠吾徒目不辨官庫天遣屏當書畫厨遺  
縑付與不無意捲還爾卷掀髯鬚莫五莫五保有斯湖

借爾力不獨立馬吳山一饒賊

五月一日祀唐孫華原先生

國醫不可見慨然念倉扁區區乞靈心非笑詎求免惟  
我祿命薄能養愧馬犬米鹽碎而艱累母日非淺勞辱  
固天性匪貧甯盡願生兒不得力精血就衰殄去年右  
臂枯牀蓐哀轉輾今年左復爾筋骨痛如劓仰天呼以  
泣無術効含吮惟此孫夫子仁思動繾綣金方出叶卜  
世目不能闡未達良取譏但覺體因善誓毋百歲後始  
廢公一獻丹榘照茆屋精意薦洗腆長筵聖二老甘味  
分寸齎各餒先生餘當服丹九轉

留湘佩內妹

欲歸何事真無說  
飲過昌蒲不汝留  
美待明年方見汝  
明年又識果來不

山中雜詩四首

緣樹成陰盡手栽  
量枝數葉日徘徊  
夜深屢下風婆拜  
爲有護花一朵開

萬事無心早閉關  
慈雲依映嬾雲閒  
夢中悔送朝暉過  
守著斜陽尙滿山

絕憐烏子無朝暮  
飛去飛來桂樹閒  
不似羣鴉止貪飽  
直須日落始知還

經旬積雨雞不鳴路斷何人裹飯行惟有瑤琴伴桑戶  
鼓來猶是舊時聲

上屋左山頂

攜子攀援偶臨虛眺望通遠山陰見日高樹靜聞風玉  
黍連邨熟金秬壓陌同兒乎知飽飯可不叫門東

山居夏晚

巳下甲午

雨散暮天青餘光照遠汀草堂朝蝙蝠瓜架織蜻蜒晚  
飯依花聚林風入酒醒閒情更無暇兒女上池亭

午起

瑟瑟青瑤簟蕭蕭白石盃何因能再夢佳味久回甘雨

過蟬鳴急池生鴨浴貪物情共清暇無語對遙嵐

庭樹

昔余種樹時意使蔽庭日蔭成繞檐戶乃覺似居室隨  
時各含花無心復結實夜涼壁上影靜其人抱膝雖辭  
晝閒日永礙初上月人事甯可兼此得彼亦失窅然發  
澗心陰陰亂蟲啣

書唐敬亭

惟安

先生指畫鷹

窮巖颯颯生迴風角鷹乃據高堂中側睛下視幾萬丈  
殺氣所透天爲空眼前狐狸伏蒿蓬我無快劍搜其蒙  
玉爪金眸亦墜視嗟爾奇才空自雄



檢外祖黎靜圃

安理

府君文稿感成

八股行海內於今五百祀子弟爲學問富貴當券紙是  
於古制作未便克均峙自有歸唐興揚馬不敢恥下迄  
崇禎未能輩遞礪砥小技誠未尊大醇亦無幾元氣入  
我朝鍾陵實巨指韓張有天授藝聖忘排比繼起百  
年閒亦莫不深柢後生貪巧捷轉販競相市盜笛吹宮  
商截朽飾丹紫玉尺亦已亾各以意憎喜古云經大義  
毋乃不若是惟昔外王父孝友發屯否多能出少賤此  
事特深至出入對偶法鈎提古先髓食時可百篇占授  
嬾自紀平生多閱歷曾不挂屑齒文亦殺鋒稜百鍊化

繞指老手林汲翁見之歎無已謂是有根本更無熾可抵祿位惜不償老飲抑泉水呼毋來從居日已歸故梓

公以鄉舉令長山四載告歸嘉慶己卯珍始自天旺依公斤竹溪上公年已六十九矣七十老孟

公處置到雞豕三日一來過瑣瑣身料理此義今則無死或不相視固知有言者天性厚如此當時我童幼頑狀頑難似先生撫而笑孺子盍楚捶耕稼儻有人學成儘堪俟此後執經來請業吾語爾朽質不易鑄而公行病矣陽厥見俠瘦繞頸若珠纍無知尙肆姐持冊前問字先生不揮去曰居待吾起力疾爲指說聲轟所憑几想見仁人心何嘗知有死回首十六年面命猶在耳兒

長業日荒欲言自先蔥司馬有遺文傳布竟誰事臨風  
一撫額高山悵予歧既以負先生又以負母氏所欲非  
得爲永慚盧東里

過海龍國

國上風雲繞夜郎異時龍鳳此荒唐王師八道從天下  
鎮服千年掃地亾蒙業若教思粲价世州何遽後岑黃  
匆匆立馬空畱望新澗荒厓盡夕陽

寄遠

美人夜起梅花底身載梅花渡江水四天尋徧不相聞  
遙認寒鐙九萬里柔腸牽引不禁愁暗有銅仙涕淚流

多情賴得徒相憶，若便相逢盡白頭。

至息烽喜得大雨

濕雲掩過龍場城，日脚照見雨似繩。山腰婦女荷鋤下，  
歸牛返豕紛縱橫。我行亦覺兩脰速，打笠已聽千杖鏗。  
街中大小齊拍手，雨喧人贊同芻甸。向來定廣二州米，  
仰食北至烏江亭。去年無禾亦無麥，轉販遠取遵義秬。  
山農力苦待秋實，望望禾黍就槁莖。百錢不買一升米，  
路奪市攘成亂鬪。近聞守土力和糶，義倉春盡開常平。  
古來和暫不和久，貴粟原自非民情。官藏未敵民萬一，  
官竭可禁民踊騰。十日不雨即不濟，至患豈獨愁書生。

皇天一澤甚容易比戶勝貽金滿籬已見瓜蔬長鄰圃  
可卜良苗秋壓塍前途田水定溢路泱泱市渠中夜鳴  
月涼蚊靜足甘寢旅宿不寐看殘鐙

六月二十晨雨大降

望雨終宵三四起雨來侵曉卻安眠已知比戶皆回命  
暗悔前朝易怨天官糶雖輕無此飽帝心稍轉即豐年  
翻悲昨見橫渠瘠不緩須臾死道邊

出威清門繞城而西邨景可愛

郭外自然好不謂過所懷久與邨野別頓覺耳目開岡  
巒有登陟渠沼亦縈回荷芰夾田徑瓜壺葢菲柴清風

身系身言身卷二  
偶然度綠影不可措久行不逢人俯仰興轉佳白雲澹  
晴色草樹陰徐來念我巢中居延企西城隈

雪厓洞

秋風吹衣巾飄然墮邛壑溪流洞門白雲樹頭落昔  
聞回道入於此駐黃鶴日暮待不來含情下高閣

招張子佩

琚

世儒談六經孔子手刪正安知口所讀皆屬康成定念  
昔諸大師芻躬守殘賸微公集厥成吾道何由徑眾流  
滙北海乃洗秦灰淨師法千年來儒者各涵泳未聞道  
學名自見忠孝競程朱應運生力能剖其孕格致豈冥

悟祖周實郊鄭俗士不讀書取便談性命開卷不識字  
何緣見孔孟頹波及前明儒號多佛性季世略稽古小  
悟非大醒絕學興皇朝談經一何盛顧閻實開宗醇  
博亦莫更後起復宏暢賈孔妒且敬近來經韻翁照古  
有全鏡帝遣明六書羣碩莫敢諍更得盧王輩精識邈  
乎負顧惟十數公爛誦不計乘其於漢前籍字字經鞫  
證精能固殊尤細心亦天性直聳高密堂上與日月併  
我無能為役自覺此身剩思傷先人牆操戈助攻并諸  
老啟旌門後至許同盟逝將及今去神血幾何凝眷言  
念我友短小悍而橫招君執桴來助我鼓聲勁無爲百

身系身言集卷二  
年內齷齪守貧病

霜曉過禹門寺

溪上寒生骨行行手自磨萍紅知鴨路水暗認魚窠石  
磴蒼苔古山門落葉多未應禪宿盡鐘梵共蹉跎

無事到郡遊三日二首

入城恥人見入店愁主惱朝飯熟未興夜鐙續還曉默  
默但遊寢與語殊不了客似無一識來者盡頭掉勸客  
衣而冠何家不堪造渠門多貴人無我未爲少我亦未  
用彼敬謝不相黷

莫五似裴迪邈然清妙機喜讀不急書堆按亂不齊興



來卽相過談諧無町畦清聖或終朝不避子與妻黃花  
長於人色勝金畱犁告我春種時親送斤竹溪大笑此  
言信勞君十甕齋我言亦妄耳子試妄聽奚

巢經巢詩集卷第二



巢經巢詩集卷第三

遵義 鄭珍 子尹

古今詩共七十首

渡桶口

門前溪水如奔馬流入烏江到此津我向津頭問江水  
朝來應見白頭人

安化道中

崎嶇安化道甚似歷蠶叢天半負棉白人頭懸石紅竿  
船筒米飯販運道思銅者率以肩戴所以戴之具曰竿船杉壁牯牛風山中風發店壁  
為破俗謂牯牛風漸起殊鄉歎艱塗况未窮

偏崖

未到偏崖時心欲尋別路既過偏崖時行行屢回顧

曉登銅崖

一百八灘經過盡披衣曉起踏銅崖雙江一碧渺然去  
孤嶼中流無限佳水氣昏昏迷雉堞人煙穰穰鬪魚鮓  
山川自古征蠻地博得登臨寫壯懷

銅仁江舟中雜詩六首

江行無百里江景已多更問地難爲字經灘不計名敗  
牀眠白鯉疎塢出黃橙欲識銅仁近奇山滿眼生  
漸見寒流闊居人兩岸分潭光清漏石山影綠搖雲漁

得沙頭訊炊香柁尾聞向來風味熟惆悵但離羣  
銅舟三日慣快若鳥輕鈔詩待灘平寫書緣境勝拋生  
薪常失飪寒菜旋充庖道里時相問黔荆路已交  
蛟龍非獲罪風水自無猜朝夢同炊熟晨舟隔縣開江  
鳴知雨到鴨語覺邨來半起先勞謝閒鷗候岸隈  
爛石通緯路荒塘落埃泥潮收沙露尾槳過水生臍魚  
翠閒閒立鳩青閃閃低勞生慚對汝方憶漆園妻  
景色辰陽變風煙夢澤通山平趨落地江遠欲吞空曠  
岸一庵白晴砧雙婦紅狂歌仍入楚陳爪歎泥鴻

明月池寄鄧湘皋

顯鶴

詩老

身系身言卷之二  
二  
鄧子詩才妙天下不見風流今幾年  
長沙日落渺何處  
繫馬堂階應醉眠  
明月池頭苦相望  
孤舟江上但寒煙  
得書儻遇長安使  
折取梅花寄歲前

武陵燒書歎

并序

十二月朔泊桃源夜半舩破水沒半船  
翌抵武陵  
啟箱篋皆透漬  
烘書三晝夜  
凡前所鈔述者或燒  
或焦半成殘稿爲之浩歎

烘書之情何所似有如老翁撫病子  
心知元氣不可復  
但求無死斯足矣  
書燒之時又何其有如慈父怒啼兒  
恨死擲去不回顧  
徐徐復自摩撫之  
此情自癡還自笑

心血既乾轉煩惱上壽八十能幾何爲爾所累何其多  
公安

可哭公安縣沉災竟四年萬家何處去諸賦暫時蠲魚  
鼈蟠廬墓舟筒當土田更堪聞邑長歲剩百千緡

松滋

松滋前決口聞尙駐工官四載已云久一隄如此難春  
江甯禁漲遺戶得無殫寄語修防吏盤飧爾固安

傷歌行二首襄城除日作

男兒生世閒窮達有命不自由黃金便使高北斗能衣  
晏子幾狐裘拂塵下馬卸馬鞍舉盃自勸歌路難路誠

難莫復怪故山兒女豈不佳  
斲雪斫冰君自愛

一夕復一夕一朝復一朝  
朝夕遞相送歲盡何必在今  
宵噫乎歲如江上之波我如中流之石  
抵盪磨來波去浪渺無盡石行泐矣  
當奈何酒盃融融吾留六龍六龍不  
留我心苦夜半高歌淚如雨

元旦石固

已下乙未

大駟南畔午停舟  
小澗東頭步寫憂  
並路牽衣兒有母  
望鄉遮眼樹無讎  
銀旛士女王正月  
落日河山古豫州  
孤迥天涯正悽絕  
誰家歲盞擁高樓

人日度滎澤口



黃流滾滾自天來夜斬層冰曉楫催廣武山頭初日上  
大梁城北亂雲開親心逐子前年度遊轍何時此濟回  
多謝河公好看客安瀾空望古今才

邯鄲

盡說邯鄲歌舞場客車停處草遮牆少年老去才人嫁  
獨對春城看夕陽

湯陰謁岳祠

蕩陰城東喬木寒下馬岳祠瞻表桓悵望公生一酒淚  
蕭條雨歇獨憑欄長城道濟才無媿異姓汾陽福竟難  
更苦西鄰有冤聖請歌文操慰忠肝

經嵇侍中祠

碧血飄零雲鳥悲，雪中憑軾弔荒祠。  
似聞叔夜冤魂語，不及王儀尙有兒。

望蘇門懷孫鍾元先生

積雪高寒見夏峰，百泉知傍草堂松。  
鸞皇嘯斲無消息，誰念塗窮哭嗣宗。

謁比干墓

墓禽知敬久無音，樵採含悽遠不侵。  
氣共微箕存祖社，魂傷姬孔表岡林。  
千秋死諫無公酷，半日句留望古深。  
壟畔請攜卷石去，按閒時見昔年心。

一石與心絕  
肖持以歸

南陽道中

先車雨過塵方少未夏邨明望不遮林脚天光如野水  
麥頭風燄度晴沙春當上已猶無燕地近南都漸有花  
晝睡十分今減半爲畱雙眼對芳華

宿潁橋

我行古潁谷慨懷潁封人當日君臣直兒戲許以純孝  
殊不倫鄭莊能使祭足謝中肩豈有見生母必欲及黃  
泉人臣格非有正道教君遂過烏得賢寤生旣不孝考  
叔復不忠不忠遺母羹不孝將毋同

三月初十沙洋

漢水東南流奔浪日夜急機舟感今日吾年倏三十兒  
女齊送我老路從此入精力更幾何前去正難執且樂  
現前得買酒沙洋集

自沙洋步至黃家林就舟二十里邨景佳絕

欲就東湖船先舍漢津漿隔岸知境異越隄果幽爽春  
草碧淺淺新樹團益益鳩鳴宿雨餘人耕舊墟上秀圃  
蔥薤花小橋沒菰蔣麥深不見人時聞輓車響傍道多  
草舍老翁聚三兩偶憩知餽茗味惡誠足享北來厭塵  
沙茲景勞夢想緩步殊未久舟已叢芮榜清謠煙水閒  
餘歡獨攜往

網籬行 并序

公安五年水民食於漁而居稍高地其種菜卽以  
敗網爲籬亦奇觀也

公安民田入水底不生五穀生魚子居人結網作耒耜  
耕水得魚如得米高田魚落田反蕪生魚之地變生蔬  
網亦從之變其用環蔥繞芥如圍魚以蔬佐魚生已蹙  
以網作籬還詫目苟且窮算得新創何遽絲乃不如竹  
蔬花蔟蔟蔬葉披貓戲網中雞隔窺想見鷓鴣與獮獺  
出入籬際驅魚時不愁網破籬無補但懼水反魚游圃  
此時籬倒蔬亦無頓頓餐魚奈何許

已過武陵

記我出都門榆柳未知春行得山水綠望家如隔鄰隔鄰未即到人情覺已親匪獨人情親我亦愛我身萬里雖無功生存還二人風水見憐我雲日亦相因監沅已去眼幾日銅江濱在遠止知歸家近始念貧預愁小兒女不解諒苦辛入門索包裹惻惻傷吾仁

望鄉吟

一灘高五尺十灘高五丈行盡銅溪四百灘銅厓應當白雲上厓上還有千萬山一重高出一重顛待到銅厓望鄉國始似從此看雲閒山高如梯水如箭到家早晚

櫻桃綻心隨飛鳥去悠悠白髮紅綳眼中見萬里眞成一夢游茗山重認雨中舟桐花落盡春風老杜宇催人聖白頭

辰溪縣北三十里許水東岸皆峭壁猿鳥所不到其上有樓閣闌楯箱匣之屬曰僊人巖其石斑如狗迹者曰狗足巖其西岸蒼厓界白蜿蜒斜上如龍狀者曰白龍巖俱奇譎可翫舟行經此戲爲之詩

神僊凌樓居亦復喜峭僻辰陽山水窟上古斲人跡僊者忘其名於此結靈宅下映百丈潭上接千仞壁朝服

砂五色暮食菲三脊潭中白龍子時時受餘液不知幾  
千載僊眷有分析廣構嵌穴閒幾至無剩隙此時盤瓠  
氏子孫正昌熾名山出帝賜荒巖任游息一朝驚見人  
奔赴急欲辭泗水不沒鼻踏厓如履席亂去汗石花吠  
聲入空碧僊者謂行乎羣犬勢已逼寶劍不及攜丹經  
不及匿舉室盡飛昇諸物弃狼籍白龍起相從猝上誤  
觸石尺木爲所傷乾死挂蘄薊元精死不泯一線透巖  
石君看斗壁上遺跡尙歷歷漫衍作歌詩因之寄桑酈  
雪中度吳橋至郡巖

止覺百無路來循夫子牆問門迷入徑冒雪立平岡流



水去不息此身行若忘  
譙樓鐙火見獨自下蒼茫

晨出樂蒙冒雪至郡次東坡江上值雪詩韻寄

唐生

樂蒙城下碑負龜破曉捫讀了不知凍雨濛濛苦無笠  
半日撲面風逆吹近午雪作如撒粟頃刻集徧眉與鬣  
枯林沙沙蠶餐葉淺水索索冰溜澌田家盡爲二麥喜  
大滄可堪行者危里程詫見幾新墜亦有僵倒命若絲  
行商早宿釋荷擔野店閉門無所爲最有移民可憐慙  
十十五五相攜持涕垂入口不得拭齒牙癢瘁風戰肌  
壯男忍負頭上女少婦就乳擔中兒老翁病嫗呻且走

欲至他國知何時爾守爾令甯見此深堂密室方垂幃  
羊羔酒香紫駝熟房中美人爭獻姿鹽絮尖又自矜飾  
親訣幕贊紛淋漓樂者自樂苦自苦何由畫此陳丹墀  
我今凍餒亦交迫破帽遮首單衣披臘盡不歸飽妻子  
荒山足繭愁奔馳平生大言不自赧豈料皆成無當卮  
入城耿耿卧不寐民生家計愁心隨唐生卧雪祗不見  
見我此吟當和之

追寄莫五北上

重安江前雪映天知君此時到其閒兩夫舁之擔一肩  
荒荒瑟瑟山復山子行十日我西還播城雪夜雨似綿

以吾念子衣枕寒知子於吾亦懸懸人事乖迂堪浩歎  
隔六十里乃天淵舊約送子意頗繇旣去矣復從何言  
少年科第世俗便一日聲名即聖賢子兮織錦古斑斑  
媚世復解渲牡丹又始弱冠誰不妍金門玉堂無子艱  
念我才具未老堅論獻遠媿鼂賈班折腰屈膝又所難  
自計豈能事上官雖云汝墳迫周磐密縫之心亦可憐  
取彼償此心已酸况又未操必得權吾以此乃今閉關  
縱有貴命甯弃捐父母俱存兄弟全癡兒問字妻紡棉  
詎免身勞心以安但無遠別吾終焉子今偕計趨春官  
歷鍊駿骨閱山川河聲嶽色浩漫漫吞納胸中同鬱盤

獨慨宿學近頗慳罕聚輦轂散若煙阮

芸

臺程

春

二老海

內觀子往謁之間淵源必有告子乎勉旃高堂雖老健  
加餐長昆弱弟善承顏及茲餘暉快著鞭木天固有君  
舊瓊然止藉此爲親歡得意慎勿受所牽明年馳傳歸  
白田阿爺攜子笑欲顛阿孃撫子衣錦鮮孺人見子屏  
風邊我從山中繫行纏秋堂與子對牀眠聽子聞見勝  
今年作詩一笑隨風傳

適滇卻寄子行

嘯

子俞

珏

兩弟

已下

丙申

冠雞非難得惟獨乃鍾夔踽踽白兔子吾思何能貸日  
者昔語我子限一星帶看來兩不育此語信著蔡念我

門祚薄麟鳳非所載或者瘠土中獨苗可望大今來不  
吾教渠毋料能代但恐性一傷稍大便難差端須提宗  
印使之自小佩上稱宣尼說下稱程朱話

白水瀑布

斲巖千尺無去處銀河欲轉上天去水仙大笑且莫莫  
恰好借渠寫吾樂九龍浴佛雪照天五劍挂壁霜冰去聲

山美人乳花玉胸滑神女佩帶珠囊翻文章之妙避直  
露自半以下成霏煙銀虹墮影飲袂壑天馬無聲下神  
淵沫塵破散湯沸鼎潭日蕩漾金鎔盤白水瀑布信奇  
絕占斲黔中山水窟世無蘇李兩謫仙江月海風誰解

說春風吹上觀瀑亭高巖深谷恍曾經手挹清泠洗凡耳所不同心如白水

自郎岱宿毛口

晨登打鐵關下見拉幫塘行至拉幫見拉當虛空鳥道四里強路若僻挂百盤腸人行如狗盡日忙落日盤江出脚底仰視早行鼻尖耳我投旅宿憊欲死擔了昇夫更何似把盃大笑何所圖下山且爾歸何如山妻徒憶知得無

自毛口宿花垆

盤江在枕下伸脚欲踏河塘垆

毛口對岸卽河塘湖曉流渡江至之已十里

聞花堦子規啼暮踏花堦日已瘦問君道近行何遲道  
果非遠我非遲君試親行當自知此道如讀昌黎之文  
少陵詩眼著一句見一句未來都非夷所思雲木相連  
到忽斲初在眼前行轉遠當年止求徑路通問殺行人  
渠不管忽思怒馬驅中州一目千里恣所游安得便馳  
道挺挺大柳行邊飯蔥餅荒山惜此江湖影

游清溪洞書石上二首

欲問老回今昔緣碧霄如夢夢如煙麻姑已嫁方平老  
知住華陽更幾年

洞門久壅松陰迴溪水自流花自開儻便得歸便歸去

身身身身身身三  
不須定待鶴飛來

平夷生

今年歲丙申今日月初十年是母生年日是我生日我  
年已三十母壽六十一母老兒亦老兒悲何由說半世  
求祿心甘爲古人拙負母一生力枯我十年血維母天  
地眼責命不責術但母得如此又敢自暇逸千秋非所  
知兒死此事畢

之卑浙廠道中

白袷衣當暖翠侵紅泥路入箐雲深松秧徧地生如草  
石炭隨山有當林蠶豆香濃非故國馬頭春暮動歸心



愁看落日停鞭處晚飯妻兒語樹陰

月夜誦山谷江湖吞天之作感次其韻

磨骨養腸胃賣舌撫唇口俯仰同桔槔机肉隨薄厚計  
來真自苦誰逼君浪走上牀無錦褐下腹孰羔韭身世  
一窮了何者更掣肘挽畦羹淖糜緡澤貫楊柳夕偃心  
太平朝游大垂手怡聲問翁媪正色對親友陶公亦後  
覺持身易五斗安知公田秫中有惡獅吼靜念發溪省  
窗月正相守欲持山谷詩歸謀東坡婦衣食端須幾百  
詠當飲酒

端午念阿非

身系身言卷之三  
二  
入戶桃陰夕照移久看蒲糲念嬌兒魯論半部應成誦  
渠母前朝早任嬉嫩綠胡孫高蹋臂雄黃王字大通眉  
鄉俗綴五色猴猴於兒肩上謂可稀痘以雄黃畫兒頭面謂辟疥云鳳仙籬側瓜棚畔料  
爾行吟新寄詩

讀日知錄

顧公宰相才老得忠孝名以言救天下不期當時行大  
運自秦來治具幾紛更元元萬古胸利病如列星傳來  
二百年考資丐儒生或非著書意掩卷三涕零

自露益出宣威入東川

出衙更似居衙苦愁事堪當異事徵逢樹便停邨便宿

與牛同寢豕同興昨宵蚤會今宵蚤前路蠅迎後路蠅  
任詡東坡渡東海東川若到看公能

山行

路出盤江所濫觴萬山無主夕陽荒肩輿冷瘦尋邨遠  
石氣青紅過雨涼國陋翻宜叢檜大路難方覺苦苾香  
窮塗未倦平生意欲採閒花種夜郎

經行一路皆地廣大而民稀且窮官斯土者自  
中原來對此荒荒靡不愁鬱期滿秩遷去將終  
不能富庶也慨然賦此

日南九郡弃非圖滇土何堪任曠蕪龍亦有家思豢御

豬皆名海占膏腴

豬蓄水也

但看挿檜俱成樹何不宜桑獨

少襦寄語邦君身已到未應愁歎了官租

者海鉛廠三首

我何適茲土忽忽忘其方如入裸人國舊游文士場奇  
懷想不到異俗窮堪傷久對翻疑夢羣山墮渺茫

無斯煎煨利鬼亦掉頭還墨井人聲底爐場夕照閒百  
年無樹影眾皺是灰山誰識荒荒頂飛鴻爪自閒

竈甬邊爐宿煤丁倚石炊妻兒閒待養喬罐死猶隨

鉛

以喬計三罐爲一喬罐以鐵爲之長二尺許死者多以廢罐砌墓視之如蜂房然

物力祗斯數

生涯能幾時年年南北運不見窮山悲

廠山晚望

天青涼涼山暮環餘映未盡血殷殷碧雲四合曠無底  
白鳥一雙歸正閒雪嶺寒光蕩東爨夜郎遠影連西巒  
荒岡插脚竟何事風土歲時俱可還

送黎子元

愷

舅自平夷歸里

送公遠至雙穗橋

在城東

白雲不動心飄搖仰天揮手一

長歎萬山無語風蕭蕭時難不作十全計要公歸家相  
料理我甯飢餓不出門若負此心有如水

中秋飲韓仲山

錫

學博官舍

韓博士家多美竹孔宣公宅有高樓荒城勝賞無他去

此夕清狂可自由著我樓頭看皓月借君竹下過中秋  
銜盃却憶巴陵夜一點團山萬里愁

寄荅莫五

南北二萬里得歸便可喜止當看山來名心淡如洗君  
才不一世君心有竊比水母目濛濛焉識長鯨事何必  
說高言不入里人耳自非此病藥固讓洩勃使且吾觀  
古賢誰能不骹骹金待百鍊柔木要九枸美安知屢摧  
挫學問不在此邇來吳橋上樞塵光玳玳左對而右弄  
弟妹繞肩背朝會小齋食夜温北堂被閒來擁寒氈鉛  
槩伴鍼袴富貴誠無權茲豈不足恃俗兒那可道追羶

若奔蟻神血先未凝尸蟲食其髓可憐負當年羸作昏  
昏鬼念此聳毛骨百年固無幾父母七尺軀責備塞天  
地區區一科目真不與榮靡我今老復懶貧賤不自耻  
瀾浪適平夷半載絆鹽米叔夜本無蝨把搔不自已數  
月斲家書鄉夢亂難理未識今年秋溪田有收否又未  
識家人御冬作何計阿卯出門時論語讀數紙至今知  
所誦曾否到孟子悠悠我之思腸中轉輪似如何接君  
書亦復窮爾爾下無縫袴襦上無奉甘旨吾儕儻定窮  
理也奈何彼子貧且在家我貧更客裏客裏貧轉甚春  
衣今未褫日夕數來店弟輩默以俛擬得一個來茲事

有人庀依然滿篋書隨渡烏盤水攜手慰離索一笑愁  
城圯翻甕飽黃齋冷尋紅葉寺更當出秘籍共讀梅花  
底

平夷驛馬祖祠下柏將圯矣命伐之其擁樹諸  
石不忍他弃遂移作假山於祠後庭

平生愛石心惟有石始知兩脚踏荒城苔岑悲索離誰  
謂補天具日見乃忽之含笑抱之進馬卒俱暗嗤世有  
非常原固無怪汝疑茶夫小兒手指意任所爲妙在不  
經心遂與巖壑期峰巒有重複嵌竇亦生姿果然愜所  
欲百繞未覺疲誰爲後來者聊樂某在斯



游玉真觀

道人門內四立壁道人門外三朶花門前卽是北歸路  
何因游子不思家

八日嵩明道中二首

已下丁酉

果園河口牛肝峭看到楊林無限情客去門牛齧草送  
女歸籬樹帶花迎

茜紅袖袂雪白巾拜年女兒嬌上春楊林海邊滿花樹  
土主山頭皆醉人

次楊林晚望

山頭日白氣荒迷曠望溝塍盡大隄馬過一風擡路去

春歸七日辦花齊  
衣冠蒙部新年裏  
煙樹嵩明小海西  
莫問舊時翻震事  
萬頭赤子爛如泥

謂癸巳七月地震奇災

望昆明

昆池一望渺煙波  
歎息蟲沙百戰過  
七姓氣銷明傅沐  
九真雲擁漢山河  
蒼蒼檜木烏盤路  
黯黯阿奴吐嚕歌  
金影碧儀消蕩盡  
太平春事荷鋤多

歸化寺看山茶

小花團團火齊珠  
大花軒軒紅盤盃  
高花燒天天爲枯  
低花照地地爲朱  
丹霞大帝御花國  
氣象想見唐與虞  
沐日浴月爛百寶  
春風沖澗元氣麤  
蕩蕩海天照金碧

山門檜柏排千夫我來看花適正月更有小妹相攜扶  
眼迷不認一切佛興熱欲返巢經廬口談樹高向母贊  
指形花大爲母娛但恐此景未親見鹵莽而言終謂誣  
題花要令現紙上正爲此花天下無吁嗟此花天下無  
過紫雲庵看梅

雲南梅花不值錢成林乃在紫雲庵暮到滇城朝即揆  
美人在林真不諳當關一枝兀放入鵲不及報呼之三  
簪斜鬟墜盡驚起乍見情踈如有慚同是麤服亂頭性  
氣味一親神已酣興濃不覺對花歎我本無事須來南  
止爲君等挂人意不一粗省心不甘旬畱計止十日事

看山願了回歸驂路長人老那再到便此捨去情何堪  
剛須更謁老梅祖愁心先過黑龍潭

遂過圓通寺登補陀巖

熏香梅花林往聽海潮音大士無語印以心補陀山高  
海深深登高臨風望鄉國似到蓬萊方壺之絕壁忽訝  
何時身已仙老親稚子拋不得失聲一呼落羽翼胡僧  
在旁俯長眉知我多情不可醫笑指海天認歸鶴雲白  
山青無盡時

汎昆明池至近華浦登大觀樓

雲南正月半楊柳青滿湖浮舟出郡郭迢然如畫圖汪

汪千頃波晴沙暢平鋪和風弄舞燕微瀾漾浮鳧赤脚  
兩漿女妙稱檣散徒踏舫唱小海浩氣凌八區沐氏舊  
西園宛在似蓬壺早樹發初綠粉牆明精廬諸漁集門  
曲幽清無鳥呼何人構層樓倒映水府居憑闌縱周眺  
心目乃以舒羣山從北來柘城煙有無九十九水竇足  
鋪十萬夫夕陽轉西山巖觀正糳糊何處昆陽州風帆  
盡南趨俯仰一盃酒襟懷千載餘霸業垂掃盡蒼茫畱  
此瀦海風逆黃鶴思便朝清都弟妹各牽衣白雲不可  
呼長嘯動歸橈月上東城隅

二月初八日攜舅家弟妹重上大觀樓

纔知天以病句，畱要令重來登此樓。明日板橋鐙影下，  
海天如夢水悠悠。

宿普定却寄雪樓舅新平四首

蠕蠕此毛骨，靜念夫爲誰。若無異乎物，於彼何等差。蟠  
桃有美實，千載誰與期。力不及子孫，聊謀一日炊。

少小諸兒中，舅氏謂可語。耕種亟失時，厥咎甯在雨。感  
公父母心，猶念媒此女。久無飛鳴想，麩氈况能舞。

一載平夷城，兩石平夷穀。刷龜不成羶，懸鱸呼樹木。

遵義掌院歸

念公更南去，老別情舐犢。勢固難相從，何時當

來復

抱癰不忍割全外而潰裏我觀麒檀場似無一足特萬  
鍼事履底落地即汗滓明月四更頭私心欲如此

巢經巢詩集卷第三





巢經巢詩集卷第四

遵義 鄭珍 子尹

古今詩共五十七首

次韻和郡守平樾峰

翰

懷陳省庵

玉鑿

劉研莊

詔陞

兩前守

貴仕無令名不如不尊顯  
文官祇愛錢不如爲牧翦朝  
廷用書生亦曰其言善  
豈其所讀書到官即收卷  
治法止兩端世有幾人闡  
甚或剔刻之傷我枝蹄  
躅窺乎頌德碑盍不刻  
稍淺陳劉兩郡守是誠  
循吏選遐陬井校中鼓  
眾走且喘一滴父母心  
百年尙神緬劉公實儒者

教不薄窮褊至今多能文皆公爲梯棧陳公山繭法此  
日更籛衍衣食到傭丐金珠滿原巘大府近請祀於陳  
極匪勉我惟此二公並當銘鐘銑劉父陳也母教養惠  
無辨可念在當時肫摯忘軒冕湘川與白田車或日再  
轉陳公始教蠶於白田壩  
劉公始闢湘川書院此風遂難得未免重繭繭堂  
堂平大夫繼畝思舊畎長言發嗟詠此意更加腆世有  
明練材囊愴而卷襜寸善將自私誰肯道前典觀公用  
意處已足見敷展後來今視昔過之不獨踐企風觀化  
成歌德我何覩

樾峰次前韻見贈兼商輯郡志奉荅

男兒生世閒當以勲業顯埋頭事章句小夫已翦翦何  
况誇文詞更卑無可善居常每念此心若波濤卷百年  
大槩見素志未必闡馳車浪奔走日中請息趺獨立天  
南頭山高水以淺手攀青松林下瞰兵部選有力誠如  
犖頗惜氣稍喘遙遙千載心望古神一緬英雄撒手盡  
天地頓爲褊洒淚歎當年終老乘舡棧於飯或未豐道  
乃因之衍孔孟日麗天豈不照荒巘以茲頗自信十駕  
竭駑勉與公數回見謂我金中銑人實不易知蓋棺始  
足辨飾詡太寬恕譬如非也冕安知定慧光不受剛風  
轉顧身如晚蠶未知作何繭獨思有此邦昧昧古疆畎

公能念圖志山川感嘉腆此雖百和羹成味非一臠父  
毋苟作文子弟爭繙典地高聲易呼袖長舞方展請遂  
導先路茲事有人踐我懷崔慰祖事事皆媿覩

郡署八景次劉研莊前守原韻

軒窗聽鶯

舊識聽鶯處紅窗綠樹閒官無畱宿諾鳥與話春山昏  
曉一澄聖鍼砭解破顏固知善爲政物亦共心閒

山房畱月

月出碧山靜太虛雲盡回閒房不寂寞幽影共徘徊夜  
好得無客琴餘堪續盃當關慎看戶莫放五更來

橘井飲泉

古甃臨高橋清於曉露酣祝之歌洞酌流出當分甘可  
減長公調甯懷吳隱慚貞枝耐霜雪長此蔭澄涵

荷池疏雨

亭池不在外邛壑願無違六月此澄暑一天涼浸衣况  
兼荷氣滿更聽雨聲稀聖洗妙明藏蜻蜓都忘歸

虛堂接翠

青山入官府偃蹇高人風羣揖此堂上終朝雲氣中左  
招到詩板右攬著書叢落落一峰傲高寒森玉蔥

傑閣來青

身爲身言身卷四  
三  
傑閣憑虛插登臨思邈然萬山浮軟翠雙鳥帶遙天湖  
海酒腸兀滄洲吟興懸花源雞犬近曖曖隱蔥谿

古槐臥蔭

何年植斯樹意本取懷人與世留清蔭逃虛卧古春藤  
輪貪樾美癭枕得涼新擾擾勞生夢槐宮此悟真

叢竹浮煙

繞脚森頭玉垂暉仰母慈柔柔多好色靄靄護新枝煙  
重梢逾亞陰攢月到遲因君樂晨夕爲報素心知

文待詔鳳兮硯歌

并序

硯背銘云紫霞發彩潤涵玉暉鳳兮鳳兮將望寥

廓而高飛後識嘉靖甲寅二月玉磬山房製徵明  
銘蓋待詔八十四歲時刻也後歸陳文恭相國其  
元孫際昌令桐梓以貽遵義守平公翰余因爲作  
歌時方以長生無極瓦當試莫五餉墨故及之

郎州太守得片石云是停雲館主鳳兮硯文家舊物三  
百年歎息遺珍眼中見我聞二十七硯在當時並寵爭  
妍皆異姿曾孫眼枯元血碧鳳兮飄搖何處歸培遠堂  
中賴有居亭主太平經國資贊輔大勝先生思想帖出  
門即受鈴山汗待詔有唐摹右軍  
思想帖後歸嚴氏景曜流暉嗟命貧至  
今老衲寫梵文待詔流暉硯今  
爲浙僧某有爾復不爲主人辱太守

業與榕門親太守况住姑胥門紅闌舊里相比鄰楚人  
失弓楚人得世閒木落定歸根他年竹嘯軒中訪鸞友  
沈歸愚藏待詔高齋硯落落殊翁照胥紐玉磬同時問故寮尙有

音塵無恙否撫今感昔愴我神絕憐八十四歲之老人

心長手軟細鐫刻豈期飛下橫山邨

邨文恭公所居

兩承已是

麟鸞種何況凡鳥爲兒孫鳳兮爾不見按頭大元壁古  
篆長生祝無極漢皇不守未央宮何論詞宗一塊石鳳  
兮鳳兮爾德終不衰吾歌正不爲爾一石悲橫來

追和程春海先生橡繭十詠原韻

我亦念井田此世生已遲天與地商量遣蠶飼爾絲樹



是古時樹爲要今人爲急種莫窮待三年當見之

種樹

春寒四十五人繭暖窩裏人既忘其寒蛹亦醒思起蠶

事爭此關火力謹相視譬如胎教疎百病從之始

烘種

誰能妻不衣誰能兒不哺都仰蠶腹錢那避山中露得

不辛苦得即得神亦妒春山九十朝報君以紬素

春放蠶

君穀熟田中我蠶熟山顛熟時兩通易豐歉情相連晝

要秋日小夜須秋月娟天解人願從我腹定果然

秋放蠶

蠹蠹豈得已亦復因飢寒祇此萬頭蟲爾飽我則難繫

頭有排索繫足有機竿非我能陷子天教入其閒

歐蠹

筐載似緹負蠕蠕綠不禁後時要爾養肯謂恩勤深不

知家已移食飽眠於林蠶乎我誠苦待兒無此心

移枝

同命蹈湯火吾憐蠶此時要爲世衣被不爾安得治所

求補生民可憫不在斯我觀古仁人用心如見其

煮繭

今日機杼地舊時空破屋織師有手訣可授不可讀歲

織千萬端遠散侯甸服勸君毋作僞作僞天不穀

上機

斛之用於古木薪實以阜一經發全能遂令窮郡飽辨

土劑利害草木乃皆寶敬告異邦君死法要活草

利無筭

生爲窮陬民如未得父賞千方獲小利又索真苦兒堂

堂永不稅楔此三字楣不無桑宏羊詠言請深思

永不稅

行至靜懷莊寄家

秋山送客影蕭蕭落拓吟魂不可招  
邨店雨來天欲晚  
行人方度杏花橋

鄉舉與燕上中丞賀耦庚

長齡

先生

文學無貴賤師弟有因緣當公領解日我始雙鬢懸  
公名釁中外孺子心已箋時從鄉先達一問慶歷賢有  
如泥憶雲何人識肫顛旌花照黔服草木增華鮮下士  
懸勢分呼來侍之前呂鑿受薰浴始見韓門全手贈擘  
經書謂我能終篇念自束髮來抱遺望古先意薄言鸚  
鵡力遂忘其孱我朝盛明經諸老起接肩閭胡奮前菲  
江戴持中權六經有實義大師非漢偏皇皇一代學足破

諸子禪何言毋歛生得淑浚長傳千金學屠龍用志良  
亦專但恐歲月逝蕪穢愁芳荃因公庶有就不致中道  
捐又苦念窮蹇力削此腫卷白袍五千士詎少萬選錢  
已分臬懸投竟呼魚與牽居然如巨鼈鼻鼻承羣仙鉤  
楹預禮禮清簧閒朱絃國家作人意寓此賓之筵今日  
所厚醴異時待敷宣豈其以筐篚慰爾窮青蘊念此自  
慚顧中心如沸煎未舉怨時命實成人舍旃一朝落人  
獲依然驕莠田不獨羞世士抑豈無懼焉科目正難稱  
炊沙何足饘惟山見五岳惟水觀九川塵滴乞沾丐期  
無負當年

完末場卷矮屋無聊成詩數十韻揭曉後因續  
成之

我亦胡不足而必求科名名成得美仕豈遂貴此生十  
年弃制蓺汗漫窺六經友串妄稱譽謂我手筆精安知  
公等長真非余所能所以來試者亦復有至情父母兩  
忠厚辛苦自夙嬰一編持授我望我有所成未盡無所  
成而世以此輕因之忘顏厚自量非不剛貴從老親眼  
見此嬌子榮癡心有弋獲焉知非我丁獨歎少也苦精  
力遂不撐四更赴轅門聖地眠瞢騰五更隨唱入階誤  
東西行揩眼視達官蠕蠕動兩棖喜賴搜挾手按摩腰

身名錄  
一  
股醒攜籃仗朋輩許賄親火兵拳卧半邊屋隔舍聞丁  
丁黃簾自知晚蝸牛喜觀鐙夢醒見題紙細摩壓摺平  
功令多於題關防映紅青文字如榨膏粢急膏亦傾卷  
完自嗤笑此又蟲語冰安知上釣鮎突作掉尾鯨自視  
此窮骨何讓稜等登歸去見兒女誇我頭銜增但愁世  
上語高文真有靈又愁鄰舍翁故生分別驚寒燄照秋  
館苦續號蟲聲同硯有良友謂柏容鑒此欣慨并難與外  
人言果羸於螟蛉

出門十五月初作詩黔陽郭外三首

近行十幾日祇如且暮閒遠行十幾日恍若不計年澄

澄澗溪流蕩蕩東去船寒風峭白日蕭條異山川高堂  
一片地一刻數往還顏色隔千里忽然立我前倚蓬久  
惆悵此意誰復憐入壘長歎息晚炊起寒煙

策名公家言其實止求食一飽甯必官吁嗟遠行役思  
便自此歸輾轉不能得事非盡由己徒念山中石強歌  
不成歡假卧不安席夢醒覓嬌兒觸手乃船壁我本窗  
下人胡爲異方客身世難盡言去去自努力

記我出門時梅花繞葑亭攜兒壘石上吹笛使酒醒山  
妻持鐙來大字寫縱橫妹女各袖扇爭書壓吾肱闌闕  
一宵事不知雞已鳴今朝梅樹下小卓當窗櫺寒日在

黃葉蕭蕭兒授經讀書究何用祇覺傷人情不學耕亦  
得看我黔陽城

淑口晏起

想到莫知其處去睡成無可奈何來底綠水石亦煎爇  
起對沙頭阿濫堆

下灘

前灘風雨來後灘風雨過灘灘若長舌我舟爲之唾岸  
竹密走陣沙洲圓轉磨指梅呼速看著橘怪相左半語  
落上巖已向灘脚聖榜師打懶槳篙律遵定課却見上  
水船去速勝於我入舟將及旬歷此不計箇費日捉急



流險快膽欲懦灘頭心夜歸寫覓強伴和

觀上灘者

縉者尻蓋高詹諸鈍爬沙篙師跌臆熊又若曝肚蠅一  
上復一上舟如緣邊蝦游游競尺寸終見舌勝牙哀哉  
水不平民勞致堪嗟萬一纜中斷倒衝甯救邪念昔榜  
銅水灘更多於麻裸挽冰雪底髀骭紅赧赧錐刀利能  
幾不給半筋奢努力灑陽船腰環猶可誇

泊雷尾

清浪灘  
之脚

醉竈明朝感客思密縫衣已就煩接九溪三浪平安過  
欲乞靈鴉報阿嬈

度歲澧州寄山中四首

我行三十日至此醴水頭客心念歲盡晚具稍使優遙  
憐思子人對食雙淚流勸毋莫淚流兒今飯澧州大盤  
登鮎魚小盤鱸絲浮湖鰕點雞子汾釀凝新甌大勝毋  
家食菘菘閒脯脩吁嗟兒亦父心事可自由哽咽難再  
道弃置觀衾裯

弃置難弃置悲端滿天地去年客羅山千里度除歲所  
依爲至親親念亦稍慰今宵此一身計集幾雙淚爐邊  
有耶孃鐙畔多姊妹心心有遠人強歡總無味憶在十  
載前舊事已酸鼻老懷况愈慈如何淡此際無名親戚

悲名得又反累得失俱可憐傷哉功名事

卯卯今夕樂樂到不可名不解憶郎罷但知燒粉蒸守  
歲強不卧喧攪至五更班班稍解事鍼縷亦略能頭試  
活菘花安排拜新正章章小而嬌其舌甘若飴亦知歲  
已盡向母索珠嬰阿耶十年來慈祥喜淵明青袍誤愚  
我殘鐙澧州城安得與爾輩叫躍如沸羹今日趁么回

鄉俗以除日  
集市爲么場

假面可市曾卯須張飛胡章也稱鶻艷還

應篋黃竹預辦鰕鱉鐙他年若命來似耶今遠行此樂  
便難得徒令涕縱橫愁思無可寄笑調聲淚并

爆竹聲已銷鄰舍亦罷博把盃念吾生飛鳥究何託姿

年逝將老精力堊銷鑠學宦亦良策山林固予樂誠恐  
爲俗牽遂令一生閣如今倘便決求田事耕鑿盡力得  
逢年或勝虛俸薄何必父母身持受達官虐弟輩不更  
事望我踐纍若焉知妻妾羞百倍衣食惡且當練勤儉  
晚食而早作

樊城感舊

巳下戊戌

憶我丙戌年春風三月時駐馬樊仲國渡江恣盤嬉背  
載雙葫蘆笑殺襄陽兒興到卽野飲菜花迷大隄尋碑  
萬山頂訪古習郁池曉撥鹿門去晚度檀溪歸落日三  
板船快瀉青琉璃蒼蒼漁梁渡餘映依山陂同袍兩三

人今或宰木纍當年仲宣樓爲我作生期城頭一揮筆  
頃刻千字詩瓠落祇無用成就蒼髯鬣風雪滿天地江  
山寂如遺殘檠照顏色小火不上衣豈獨倦游意傷懷  
空自知

新野上元

乘駟趨新野挑鐙作上元風聲和鐸隱月色帶塵昏簫  
鼓中州樂滕囊蜀客魂夜深無意緒岑寂引孤樽

博望乘月赴裕州

一星長伴月百里悄驅車獨歷羣動表如游天地初霜  
巖鬚暗冰夢碎膽時虛弟輩鐙紅底還應倦讀書

經葉縣光武廟

閨盡真人起共除舊物歸漢京  
天再正高廟日同輝業  
憶昆陽肇軍仍小沛微星辰  
臨虎鬥風雨助龍飛異代  
驚雄烈荒煙認故園君臣還  
寢殿英爽壯斜暉

莫五題僻有不若弄書學劍揚旗  
萬里封侯句

因和

就外論似不爾如君言亦復佳  
便脫牛刀相贈待看馬  
革歸來

過新鄭

曠莽平原煙樹昏大河東影接遙邨  
天清馬度芣驪道

日落烏盤桔枳門促促封輶迷歲月蹢蹢行李老乾坤  
三年兩食溱頭店壁上猶餘舊墨痕

出鄭州

終古此溪轍長垣似古壕艱難鄭州道百里向成皋峽  
窄沙無外車安馬倍勞耕人在天上奔走媿吾曹

渡河

山勢盡回秦塞外河聲直走汴城東長菱積岸連天黑  
旭日登艫殷地紅歎息中原半財賦消磨歷代幾程功  
平成未信煩薪土獨倚檣竿望去鴻

比干墓下作

并序

王子於受辛爲叔父當日必有類伊周所爲者獨夫至剖其心其不悟而痛銜之可想矣周武立殷後見書傳尙十餘氏於王子僅封其墓覆巢之下殆無完卵乎

王子骨肉閒力欲醒天夢封墓不及後孥戮知已縱公且豈異人三笞得賢誦同聖不同福千載有餘痛

過黃梁祠

烏帽黃塵正月尾曉風晴日呂仙祠車中一覺還山夢正及邨前餅熟時

沙河縣



女牆沙上見此處認沙河落日城猶白迴風野自波路  
埋山脚展地走樹頭科羸馬當深轍飢疲奈若何

夜趨邢臺

騶兒苦讓貪朝卧否至邢臺日未斜等是征程何必晝  
即投宿處總非家得休便醉姬苴國不到拚眠孟祖車  
事事關天隨所去前途休問馬休搵

大風宿滹沱南岸

去年今日天南頭諸弟餞余昆明海上大觀樓海天風  
晴滿楊柳百花齊上樓頭酒弱弟牽衣不放歸我道明  
歲重來游此池豈知今日遠辭家黃塵塞天不能車滹

沱河邊晚呼飯鼻孔封泥沙滿牙舊事淒涼萬餘里酒  
酣斫地舞刀起鐙光屋氣皆沙塵綠水青山思殺人

夜趨安肅

寒宵默默卧車茵苦念江皋已仲春怡夢家來忽驚醒  
正聞犬吠尙疑真十年不作科名想一墮仍爲牛馬身  
鐵遂銅門空露草月中懷往暗傷神

到京即病稍閒偶成

病裏潛消滿面沙欲書一紙寄天涯躊躇已近春三月  
却恐身先信到家

病中絕句二首

莫五璃廠回又回璃廠路似看銜書鼠寂寂來復去  
安排六箇月償足二萬里已過春中閒看看看到糗子

得雪樓舅新平書

相望南北半周天此紙何由到眼前出處祇今並難道  
滇花薊樹滿愁煙

思親操

人言讀書成名可以顯親我未見爲有益而徒累人自  
臘初之俶駕倏榆火之已新高堂老淚日不知其幾落  
鮮衣游子尙自得乎京塵撫暮春兮遠道寫思親之悲  
操春田短短兮秧鉞曬水下叱烏牛兮旁隨犢子晨舍

炊兮碧煙將以飯兮餉田摘蠶豆而瀹蘆菁兮赴焉早  
兮不閒我何爲兮安飽於此都也曰將貢舉而得美官  
噫吁嗟兮吾官何處轉蘆溝之水兮曾不一度奪滄漈  
兮治我車馬謂倖抱關兮取償於下揆道義已非仁粟  
兮矧盜攘莫我肯爲魚銜索其將蠹兮而猶曰待取江  
之水也舐虛空已羣笑兮而猶嘽嘽乎謂有味也朝以  
思胡來此萬里兮暮中惑而不自知謂識字爲其誤兮  
世何得羣哲之鬼鬼貌妍醜各有所好兮曾何若華者  
貴而鹽嫖之妃不度德而量時兮苟徇人無以持車敗  
馬徂其孰怨兮及迷未遠尙徒步而復之亂曰目極桂

樹兮翠一山蔚蔥畦兮在溪之干他家有子兮樂團樂  
朝出耕兮夕以還乃獨在余兮哽不可言

武陵值盛漲

武陵大如馬江水日益漲夕艤柳樹下朝卧桺梢上不  
知何處雨滙此駕天浪九江成一家蛟龍隨牧放大聲  
天地迴勢欲無湖廣吁嗟乎生民何以爲俯仰聚族依  
寸隄亦或藉尺舫秧蔬埋沙底熟麥奉魚餉漲退亦已  
難况爾氣方張憶自公安來强半水逼吭於時未橫溢  
吾已爲色愴上流今如此彼窳復何望天意殊蒼茫聊  
爲記灾狀

身系身言全之身  
三  
候漲退

朝看水縮寸暮看水縮寸不知高幾丈何日見漲盡篙  
槳了無策趁風即稍進或數里而舍或數里而信游子  
歎緩程長年怨徒飯青天白日中寂寂一船頓憎聽子  
規啼厭看下舟迅岸樹盡相熟枝葉無一紊入蓬聖未  
定又出驗水印明知不能纜却怪舫師鈍舫師益氣塞  
指水但增恨舊時至武陵視家真覺近茲難如上天聖  
令行李困人事非所料於此悟時運

早起上橫石灘

少小慣游歷將老自憂恐睡醒不及晨聽水識灘詢披

衣聖檣下斗怒可勝悚投碓轟風霆揮空走坡壠此下  
有橫石舊聞似門踵自古鑿不開天意存罪寵命窮多  
所妨庸必神汝重常憂見毋近一蹶喪前勇柁師正足  
恃目定膽不聳爭舟出凶濤猶懦諸絳甬在我已堪喜  
心如解梏拳

巢經巢詩集卷第四





巢經巢詩集卷第五

遵義 鄭 珍 子尹

古今詩共五十二首

月中於斗亭外結松竹梅為棚

已下戊戌

十十五五竹到亭與梅月下講縱橫長松聞之高興生  
夜走出林來合并梅為梁竹為楸松枝化雲露生幄風  
入松竹搖梅主人勸爾各一盃一盃一盃歌入神似聖  
陰陰古潭春月光如篔落潭底滿身驚長黃金鱗停盃  
起舞脫巾襪椶拂管牀淨於雪梁園渴客今倦游請暫  
此中度炎熱

舉三女

生與吾同日非男意亦歡慈親誇謝鉢

太孺人行三

獨子當

陞官慶總中年劇常須汝輩看買山思便隱黃竹種江

干

九日登龍山和樾峰用坡公次蘇伯固袁公濟

兩九日詩韻

萬田收盡識時和岸幘憑虛出薜蘿碧玉簪平諸髻跪  
黃金橘瘦亂雲搓關心歲月銷磨易到眼河山感慨多  
舊日狼麕今召杜倚天搔首一長歌

漠漠長雲去烏閒愁將佳節付爛斑不持菊下一盃酒

數盡郭東無限山嬌女定顰黃蕊外故人知醉竹溪間  
親眷老孟能相對輸與鬚翁新往還

越峰次前韻以郡志稿重屬仍和道懷

孫作鉤羹待絮和高郵脩補費牽蘿

舊志明簡歷壬子郡守與國孫敏政

創纂

國朝康熙乙丑遵義知縣高郵陳瑄重修

圖昏樂得神君洗麻亂愁教

瞽女搓善後事宜終莫備

李化龍平播善後疏未闕一條

識箴名宿况

無多

前輩陳公懷仁號識箴居士博諳掌故者

天荒文獻堪愁絕空負黃雞

白日歌

窮年倚牆不開閒漫詡蓑衣與畫斑

郡有蓑衣虎山地水豹見居易錄

賴桑經求鰓部水須班志定狼山游心上下職方氏搔

首西南天地間寄語邦人莫金玉懷鉛相待餽芻還

次韻寄張子佩威寧

阻雨不能去默默手拄頰慨然念美人遠在八仙海平生兄弟間爾能不受給短小清瘦姿一忤去若晚昨別當仲秋今又斗建亥如何不思爾入夢夜每每聞得賢主人不以寒士待人生但如此作客亦未猥欲識吾何為言之增磊塊天生可憎面未語先得罪惟爾能我知散木究何瘕比來平播州禮士即自隗呼掃聽鶯軒郡乘屬修改城東有莫五爲人不懼餒能來助搜討使我免疲殆茲事誠有成山川一生采勝雛肩百鈞止覺戰

搖腿念為此邦士文獻當有在區區著書俸是豈所以  
乃兩親喜俱存霜鬢白皚皚既媿無厚養又負日戲綵  
耶已誦五經而年整七載我生信無用此輩鍾望倍庭  
教苦不得才否聽主宰諸郎今若何花實貴堪採尊慈  
知益衰定省要無怠不飽亦可歸遠游恐易悔爾我此  
則同一刻千金賄儻閒念過我書來先設醢

得玉屏簫二閒輒與方仲堅

凝

鳴之樾峰以詩

戲贈次韻和荅

履行或印足陸居或無屋淵明琴不絃長統氣爲軸但  
得此簫趣何勞問其目飽吹蒸成菌餓吹口生竹我誠

非瞽矇自無論聲曲方翁有緣習老去懷弄玉邇來漸  
入調未免傷太樸手口止自贊古味何沕穆一聲魚出  
聽兩聲雉登木瓦雀蹠蹠來何讓鳳凰逐不謂公亦賞  
遇人似太淑由來天籟元不在五四六僧虔強解事標  
別作技錄天地有大樂象德備鹽歎何當聽醑奏共饜  
蕙厨肉

郡教授獨山莫猶人

與儔

先生七十六壽詩

靈光巍然傍橫宮獨見老輩之遺風鎮世衣冠蕩擗盡  
我從先生聞始終石君偉人古名相稚存曉嵐眞學宗  
祇今不獨少此老見者亦止三數公春海丈人在南嶽

昔年剪燭譚羣雄恨我不見王懷祖復不及覩覃溪翁  
爲余生晚再三歎春海又化吾真窮先生舊是王吉士  
曾拜諸老當乾隆史公不稱牛走物孔子廟堂甯鞠躬  
陽五已作古人視不知鼻息猶如龍時時攜我說前哲  
文章品業氣勃蓬使我眉間有生氣造次欲捕天馬踪  
世人解艷大官耳安知此道非窮通先生阿五南國雪  
帝遣娛老排寒冬他時才大恐難用顧此趨庭神已充  
天意要畱顯慶輅外人甯易稱谿工請發狂言侑大斗  
不慚寸筵撞洪鐘

得子佩訊及詩仍次韻寄荅兼託借書周執庵

廷授

觀察時仁懷溫水賊已平

得君臘八書失喜幾落頰司命已上天歲去亦歸海客  
子尙累毋倚門犬屢給挑鐙聖愁蹙心思積塵浼一紙  
當面談悶破時正亥如何卽來爾爲吐所懷每我又如  
何來慰爾在家待道里誠不遠得免牽眾猥後會眞茫  
茫離合任萍塊吾儕略識字此已得天罪再不令窮愁  
墓木已就癩人生天地間一塵集大隗賢愚同盡耳精  
氣有不改儻能挾日月正不問飽餒勉哉各努力出處  
期莫殆狐鼠敢跳梁妖氛蔽山采喫足太平飯自厭腹  
壓腿可憐一炬火舉通究何在以卵擊泰山思之何苦



乃歲尾四清夸虎皮包霜皚臘鼓打鼕鼕鮮鮮粲新綵  
吾始樂安土理業待明載地道非素學亦求古不倍水  
石畱其真何由似王宰爾又不余助更誰補撫採向聞  
周使君藏弃世不怠前忘乞書目過後乃大悔端公借  
圖經千古重仁賄族庖不治久勺藥待鄰醢

愁苦又一歲贈邵亭

愁苦又一歲何時開我懷欲死不得死欲生無一佳大  
雪滿中夜曉來四望迷當當滴破榻雷聲繞檐階悽切  
結中腸事事憎慨歎生本乞者相強命金閨才徒然止  
自苦何益於所為今年正月朔旅發澧水湄沿道樂歲

首兒女粲紅衣彼時吾與汝凍面兩相隨暮求飯店宿  
朝食風棚糜徒看人婦子各自媚其私相攜過大江宜  
城行可哀寒風劒刀劒吹僵如輿尸黃黃塵洞中見舍  
盡掩扉喉中默念死心暖僅一絲卅里小河口主人眞  
賢哉呼門卽開門延客至中閨盆弦聖少婦其火良亦  
微裙邊早屈手何暇避嫌疑至今尙感激可謂襄陽者  
明日勢必去稍喜寒易支易驢漢水上驢劣又難騎雪  
花大如蝶片片飛上睂爾驢善跪語十里九爾祈回頭  
看兩筍雙丁連將之路人詫見怪裊裊過習池塗窮事  
乃絕欲哭轉自哈過此篋而車春暖冰漸漸艱辛四十

傳塵垢至京師外極行路難內極慈母悲隨人攜柳籃  
試罷精更疲日日琉璃廠爛紙縱所窺熱處不解就嘲  
罵理亦宜一朝敕放歸火牌去若飛載書出國門麥苗  
綠正肥回望太和殿念此萬里來螻蟻何足道衝風爲  
我悽塵漲蘆溝橋麥帽堆斗泥步至長新店憊極聖道  
歧相看似土偶欲笑口不開含沙宿良鄉自此晝夜馳  
四更清風店街閉苦重飢鐙擔來豆乳授客長銅匙柳  
根快數椀味絕今尙思夢夢到樊口驛以舟當差危乎  
渚宮下浪駭天忽迷小舟八尺長中流隨簸筴魚鼈逐  
到岸鬼活魂暗啼南行雜水陸遂至鼎山涯望家廿日

程艤舟謝緒祠謂言拜家慶可及角黍期安知鎮遠水  
頃刻上俾倪洞庭大於天蛟龍恣盤嬉流尸宿船底淹  
戶守寸隄十日斲舟行岸聲但走雷伏蓬米漸竭何問  
鹽與齋延緣至辰陽囊底看盡資爾遂食兩驛余溯銅  
仁溪歸來喜俱存兄弟亦怡怡萬里問何得笑指書幾  
堆飛鳥幸息翼但願粥與鮭朝暮倚親側又可事纂批  
豈不賢餽空徒苦脚板皮好事賢郡守乃念地乘非經  
百六十年山川當發揮文獻向來缺侗也實無知顧以  
一日長主持爾見推能如驂之靳搜剔力不遺舊稿無  
一備作者頭腦乖每每對之歎不足爲光輝意欲與導

源人卑言易卑終思竟此業匪望千秋垂使識漢郡縣  
不與苗疆儕自盡後死責職競由人譏狼星射東井羽  
檄忽紛披遣發兩省兵辦此一山龜龜巢不易拔兩月  
老我師遠者思逃亡近者多仳離當食每不飽夢中半  
鼓鼙愁來但看劒恨不碎其肢那能更修文日夕念仁  
綦仡仡平太守一火殲厥魁手提血髑髏擲向妖穴灰  
凱還笳鼓競正值鞭春時父老各色喜前時命如雞心  
懸今始落歲去已莫追邨邨買年事闐闐紛滿街余亦  
獨何心不歸對母妻鶯軒嗒然墜一一人所思計來爾  
猶愈歲晚依南陔養餘復有事願弄雙嬌孩我誠自尋

苦天濶誰必羈命也未如何遣悲遂成詩

山陰江丹輪

延桂

從溫水回正月初六夜與大

醉雷雨

已下己亥

老丹倚囊突兀解罵人爾誠不負此酒之功臣從軍事  
事過終始如何功盡誰氏子吁嗟世事止如此世事止  
如此呼奴添酒來吾與老丹再飲三百盃人間至真獨  
此物得失不上糟邱臺君不見南山之南北山北枝頭  
白蟻爭電輝小蟲欺天必雷責一擊可惜梁棟材吁嗟  
乎老丹但唱將進酒莫歌行路難我有百鍊劍醉中突  
拔與爾看斑斑舊染狗子血今日遇虎亦懶殺倚向牀

頭思食人有捉臥喪請至門

寄楊子春

華本

弟

臘月寄詩來正月未點評老嬾殊可悲起予我何幸春  
陰池上間盃底徧諸詠菲衙與菱角見爾鶩學競逸事  
能告我發匿出親遺客茲一月來念爾心屢騁郡方誰  
嗣歌纂輯想難更逝將歸竹溪重尋魚鳥盟昨擬過爾  
游及此花草盛而今又不能世事本難柄騎驢儻不迂  
春城待合并

鈔東野詩畢書後二首

東野力可韓巖巖奏苦彈經巢能得書得恐無我觀草

草略可識十卷亦完完與待購善編一字不及看孰若  
孟爲孟尙抗韓之韓始知作者心千載同肺肝

峭性無溫容酸情無歡蹤性情一華岳吐出蓮花峰草  
木無餘生高寒見巍宗我敬貞曜詩我悲貞曜翁長安  
千萬花世事難與同一日卽看盡明日安不窮貞曜如  
有聞听然囚出籠

病夜聽雨不寐示諸生四首

窮人乃富骨春服三重綿一刻偶不戒遂爲風所緣故  
知終日間違已卽生患者氏云無身此語或未然

未病時倦作病中念徒多可動尙如此或死將奈何所



以貴有我手足豈得過靜言思百年已往悔復那  
春雨如有情隔檐一夕語病骨負爾多不共耕者苦  
日我山前泥漿滿黃牯呻吟亦良慰卧看餽燈鼠  
我年二十時終歲不識牀對書見日落忽復窗已光今  
日萬不如聖看汝輩強奈何惜筋力徬徬而洋洋

桃花二首

佳人一別一歲餘遣二茅龍爲致書古宅嵩陽渠好在  
東溪明月近何如未知前面路猶幾止覺今年頭易梳  
寒食清明將到了可來喫桃花魚

桃花李花歷亂開一日吟此一萬回燕子不情竟無信

身系身言身名  
九  
黃鶯無故亦不來時時清晝對此酌兀兀醉眼臨高臺  
錦繡山川想仙去茂陵劉郎真蠢才

次韻春感二首

杜陵四十畝黃柑興到擲在灤西潭此老窮餘尙濶壯  
天公笑絕倒東南蟲魚爾雅嗟何用龍象空王不可參  
閒把春情愚玉女百花齊向樹頭簪

春物昌昌徧九州逍遙好共太虛游多情世到玉溪別  
說恨天教小杜優藥院晴絲空有影蓉城花霧竟無謀  
生憎鄰舍閒歌管未中思量儘不收

寒食游桃源洞至湘山寺醉歌

桃源洞旁滿桃花春風吹嘶犁耨蕭聲引入綠深處  
桃花泥人且須住太白高樓鶯亂鳴太白何年此聽鶯  
一世餐霞弄雲海飄零綠杖隨風鐙引盃到口戒遲緩  
已覺落花多幾瓣有酒莫澆黃面兒有錢莫繡阿羅漢  
生前自苦皺兩眉此人死後徒呻歎君不見繞郭重重  
萬土饅頭挂人脚脚拄肩兒孫即醅一樽酒欲視無光  
語無口百年手足得自如不解運動已太愚手可以提  
酒一壺足可以向花林趨好山好日不用一錢買送到  
眼中皆畫圖天公辦此亦費力無人消受真成虛洞天  
福地孤老之院耳幾人雞犬同妻孥鸚鵡鷓鴣看將夕

更銜一盃來侑吾一盃一盃吾不識湘山之路矣青巖  
白鹿歸來乎

重醉湘山寺歌

湘山樹逾碧人又老七日若復不快飲此日眞可惜晴  
風吹皺白練裙春樹翻盃搖綠雲流鶯啼到最深處落  
花如雨吹續紛座中頭白念臺孫山陰劉澤山咸念臺先生裔孫道光二年

奉神牌從祀西廡者

引滿導我不厭貧怪我六十胡爲爾似借一

醉泯悲喜掀髯棖觸風火腸仰天四顧心茫茫當年餓  
死念臺老眼底兒孫亦枯槁稚存哭出玉門關何用小  
書挂鴻爪寺壁有洪北江小篆談經講學僅寫意不及飲酒終日

醉醉生醉熟總可憐心中了了無一事湘之山何蔥蔥  
湘波彌緜草茸茸醉看美人戲其中纖髻曳煙腰若風  
相逢欲問海深淺打頭忽唾青芙蓉是兒狡獪未全消  
老子欲眠亦嬾招山花笑領經巢意右丞雪裏畫芭蕉  
春盡日

綠荷扶夏出嫩立如嬰兒春風欲捨去盡日抱之吹對  
此傷我心淚下如縷縻天豈欲我強天豈欲我衰日月  
自見多大化誰能持闌邊秃尾雀摧老看眾嬉微物亦  
有然聊復酒一卮

送方仲堅歸金陵

江南一白鷗飛入古郎州止同林鶴語不共野雞游見  
君恨晚送君早傷歌雜組岡頭草對盃搔首話歸難歸  
去真難終較好余亦平生江海人五技空成不養身眼  
前事事看不得又欲買山長閉門起我舞爲君歌天非  
我作當奈何罷君吟飲我酒金在爐中莫開口而今卿  
相不揖客顏回餓死溝中擲而今英雄不讀書官貴都  
乘孔子車丈夫無福亦隨命誰暇回頭顧破甑倦來真  
不耐王前咄咄童兒要人敬君今歸卧鍾山側放鶴岡  
存三畝宅童冠偕風詠以歸老妻共按兒承色如此人  
生計亦得酒酣攜手上高臺日脚紅邊吳楚開蒼煙莽

莽浩無際千巖杜宇聲聲哀垂鞭明日此中去何處相  
思頭重回他年打槩五湖水月明記訪三山街舉盃便  
此各萬里雲遠天長歸去來

題黔西孝廉史邁洲

勝書

六弟秋鐙畫荻圖

水東之禾水西邁學古今黔並眉白

清鎮戴孝廉粟珍字禾莊與邁洲並

治經爲  
詩古文

敬爾尊慈有義方業成出自鬻紗力畫荻辛勤

那可言不待圖窮淚橫臆平生我亦頑鈍兒家貧讀書  
仰母慈看此寒鐙照秋卷却憶當年庭下時蟲聲滿地  
月在牖紡車鳴露經在手以我三句兩句書累母四更  
五更守長成無力慰苦心頭白待哺仁人林爾今才氣

猛如虎往取將相壽賢母莫似老荒止作筮

夏山飲酒雜詩十二首

尺五疎櫺對圃開豆藤瓜葉舞青來羣雛黝罷須臾靜  
風度瓶花墜酒盃

薺花爲落竹爲牆宿雨開晴苔氣香角黍新包蔗霜白

歸人喜過大端陽

鄉俗以五月十五爲大端陽

盃邊雲去向南天忽覺頎身落我前在家止說窮難住

別去思量倍可憐

子行弟時客滇

高柳陰籠打稻場白芙綠節舊池塘十年故事無人記  
獨對黃雞啄夕陽



鳧雛鴨鴨烏鴉鴉小醉梅西林影斜  
櫻葉不搖風日靜  
細黃一椀茴香花

自笑中年思種樹兒餐梅杏屬畱人  
先生癡處常勝巧  
屈指前頭過去身

月住風停澄道心  
四山蟲語一鐙溪  
山妻絕勝劉家婦  
手暖沙瓶喚女斟

容易半月田園居  
故人家近往來疎  
耳根極欲常清淨  
閒浪而今亦不如

嬌女嬰嬰雙秀眉  
見耶解笑亂拈鬚  
長吟星盡四高句  
不是伯休林卧時

身系身言身名三  
二三  
蛺蝶蜻蜓相替來賞心無過手中盃我山已買半年事  
試問先生到幾回

三年思汝歸談笑載酒依然舊學生看我形容先好變

不應道貌殺心情

黎仲咸表弟  
初自滇歸

累篋連櫛拄屋高少時終歲借鴟勞買書不是讀書日  
笑語阿知便汝曹

書外祖黎靜圃府君讀書秋樹根圖後

未作令先朝絕舖誦經琅琅導生徒手揆祿橐顧兒笑  
十載東修吾豈無抱經盍別范樓去

長山縣懷范樓  
金人建見齊乘白

頭不妙公府趨書之報我亦已厚在昔且自持經鉏  
公居

名鉤經堂後來莫忘稽古力老人雖老猶讀書我及見公返  
山廬道氣彌滿八尺軀綠袍赤杖想神度記擲竹馬時  
相扶欲問當時讀何籍惟見卧起通鑑俱堂堂大部數  
往復精力不減洪景盧媿我一條不相似孺筆要汗秋  
樹圖正恐後生昧來歷視作老輩真閒居更須爲貌負  
米像夕陽古木同蕭疎

秋感

渾渾河中水問問河中月三宿亦濡滯尹士茲不悅巧  
雀巢茗葦作計誠太拙調鸞焉不笑榆枋固超越嗟爾  
戀芳蝶疎花已纖屑芳意能幾何物情乃難說

同莫五黎仲咸兆熙溯藻米溪度青山出梔子

岡得詩四首

澗道出厓角忽逢嘉樹林倚杖落紅葉呼兒此焉斟茲  
地十載前攜卷時孤尋古木應不識髭鬚長似今  
水盡不逢人閒閒子母牛見人奮兩耳齧草卧豕頭慨  
彼永眠客誰來展荒邱吾儕行復然能無千歲憂  
人言梔岡下舊著楊氏子此姓入明來忠孝異前軌骨  
肉世魚醢爾家焉不毀事業不足追蒼蒼一溪水  
草閒躍蚱蜢時有未收豆登高一以望眾皺何蒼秀秋  
序已婪尾林菊不堪艷佳人爾何處相思滿襟袖

明日同柏容邵亭泛舟過禹門山還飲姑園

老去人事多所樂在襟帶向來濟勝具浪擲悔無賴東  
里山水平當門此其最五弟入邨來食藿不我糲老櫟  
又好事能令小船大秀才作遊戲方舟正無害水光青  
竹間山影紅樹外招提上絕壁草木紛晚鵲放言徒充  
棟子餘所沾丐吾儒有奇邪何責彼狡獪老僧喜我醉  
請書壓濤瀨爲攀千丈厓印我百年蛻兩孺盡葵栗催  
歸蔭松蓋野人饗官具邛媵無已太公然登蟬羹此眞  
未前蔡明儻不吝晴上流可揚汰會禽石斑魚更與斫

新鱸

身系...  
三

黃愛廬

樂之

郡守出所藏方正學文衡山董思

白黃石齋手書諸卷鑒別皆真跡也

香光松雪今已奴人得晉唐口中珠顏公爪甲柳公脚  
究竟知渠揆到無漏痕折股日在世鴨頭裹鮓無時殊  
唐人止學六朝筆宋人乃見倉頡初爾來學問等如此  
心畫小技良區區斯道亦復具本末干義萬獻同吸呼  
方黃豈是鳴書人今觀文董亦不踰乃知紛紛寡人者  
正聖胸無干卷儲田歌自古非田夫知書莫如不善書  
因公發藏動溪喟暇當一一汗其跌

書黃石齋先生臨顏魯公書竹山聯句及告身

卷後二首

闕下完人已東廡尙畱餘墨得人驚斲碑橫肘憶恭亞

霹靂推車浩氣行

先生有私印曰闕下完人以坡公墨妙亭詩殘碣爲硯銘曰斲碑親從霹

靂推車過先生句也

太傅衣鉢詎容贊魯公把筆焉過之巧仍十月廿三日  
却勝莆陽齋戒時

十一月初四謁高巖李公廟

播州鎮山曰高巖李守宮之民有巖香火煮蒿一千載  
叟不敢唾兒不謫廿年好事願未到自謂覽目遺其凡  
朝來馬首欲南去忽遵東路似有摻仰空動魄釋轡下

直上十里汗浹衫牛腰白綬千古事誰見變相精削劊

此國當年机上肉賴公脫飽封豕饞賊鷄朝驚草兵走

惡馬夜晷天犬銜

張獻忠遣賊將李鶴子屠遵義至婁山見公空中刀甲揮叱之遂驚返吳

三桂僞國公馬寶登高巖廟欲拜像嫌像前塑白犬叱撤去是夜夢爲犬嚙其足醒痛不已

至今曾

孫繞巖下縲煙餉氣蒸和誠豈是詫愚令伏臘正要異

赫昭鉏芟摳衣再拜敢正視亦不敢請爲神監平生病

聖百事蠢眾弃獨取忘譏讒歲寒可念長病毋尙此絕

頂攀松杉側身東望去幾里得已不歸如此岳臨高感

念欲有記古壁畏汗泥一杙剩碑蝕碣畧摩誦暮鐘催

去愁颿颿



柏容檢詩稿見與

頗不思存稿其如勞者歌古人安可到兒輩或從阿閻  
昔有佳處得之無意多更爲丁敬禮一一看如何

巢經巢詩集卷第五